

惠氏筆記

國家圖書館 NATIONAL CENTRAL LIBRARY, TAIWAN, R.O.C



惠氏筆記

二種六冊

國立中央圖書館 NATIONAL CENTRAL LIBRARY, TAIWAN, R.O.C.

(公分)

29.1×17.7

07215

1冊

國立中央圖書館藏善本

書碼：子部雜家類雜考之類

書名：松崖筆記三卷九曜齋筆記三卷

著者：陳棟撰 共六卷 一冊

版本：鈔本

清孫星衍手書題記

松屋筆記久曠高華筆記為惠氏棟未成
之書記所因史傳稍隱微切實時者心
得足資考證雖不及國學記問日記
錄襄括成集通人華字隳徑不同
好事者錄為先冊亦足窺也里衍書

松崖筆記卷



自悔下中上

京房易積數曰初為下貞二為中貞三為上貞四為下悔五為
中悔上為上悔二三四為互體三四五為約象

子夏易傳

周易古占法曰子夏易傳京房為之箋先儒疑非卜商也近世
有陋儒用王弼本為之注鄙淺之甚亦記云子夏凡先儒引子
夏傳此本皆無之熙寧中房審權萃訓詁百家凡稱子夏者仍

國家圖書館 NATIONAL CENTRAL LIBRARY, TAIWAN, R.O.C.

取後本

唐人正義

漢書律歷志曰刪其偽辭取正義著於篇唐孔氏五經義疏名正義蓋取諸此

日甲月庚

唐律義疏曰依禮日見於甲月見於庚虞仲翔注易訟上九曰乾為甲日出甲上故稱朝說文早从日在甲上十五乾盈甲日月相望月上屬為天使故日見於甲也云日月出庚震屬庚故月見於庚也夫婦之義取諸此

店

唐律疏義曰邸店者居物之處為邸估賣之所為店

周禮注

六書索隱干寶注周禮云中氣匝為歲朔氣匝為年

吳人以喪速賓

宣城吳晴巖

肅公

曰吳富人死往：重幣速貴賓謂榮吾親也

賓亦利往弔姜貞毅之寓吳也獨否君子以為介先君子於乾隆四年乞假里居有雲間富人重幣肅先君子先君子辭不往此固小節然今日士大夫守此者鮮矣

松崖筆記

卷一

二

臧獲

風俗通曰古制無奴婢即犯事者也。臧者贓罪沒入官。獲者逃亡。獲得皆為奴婢者也。本李壁王荊公詩注。

碁經

李壁曰碁經有邊腹關眼。

題過詩卷

唐音古淡一派前賢隸為逸品畫家逸品在神品之上詩畫本同趣也。予嘗讀前明徐昌圖高蘇門楊夢山華鴻山詩蕭然有超然出塵之想。右丞襄陽歷千載以來風流未疏。端賴諸公然。

世人競賞王李不及高徐。本朝惟西樵漁洋二王推尚此種。故其為詩直入王孟之室。三十年來清音中絕不謂復逢於君。

左冲

今人書左冲猶唐人書末言謹書也。明此外無復他語耳。

范蠡

會稽典禮曰范蠡字少伯。本楚莒三戶人也。文種為莒令。遊三戶之里。下車謁蠡。不為禮。種還館。復遣使奉謁。蠡嘿而不言。使還白種。命駕而往。旁人觀者聳聽。本北堂書鈔。

王育

冲也猶之書係
何左官之字係長
去字以似仲為之
防少人修詞子書
也

白氏六帖曰王育字伯春為人牧羊好學亡其羊主責之因鬻以償

堂與唐通

堂花之言置字帶
中函風霜乃以存
也

花之早放者曰堂花或曰堂猶塘也塘報最速故花以之名古文堂唐通其說是也義山公子詩金唐公主年應小二十君王未許婚注義山詩者皆不詳出處予按文獻通考穆宗八女金堂公主適郭仲恭金堂即金唐也

宣易閣書

有贈彭司寇雙聯語內有宣易閣書晦孫祖八字李君客山以訊余余謂前漢彭宣傳易後漢彭閔傳書閣九江朱公文弟子宣見儒林傳閔見桓榮傳宋翰林學士錢塘沈文通初以郊社齋即舉進士第一執政以爲官者不應先多士遂居其次其孫晦字元用宣和中亦魁天下蓋司寇祖侍講南昫先生丙辰司寇丁未祖孫皆會狀故以爲比

惠連

吳縣志曰惠連字子及江陰人曾祖疇寶章閣待制常德知府司著少卿卒連學於陸子方嘗述江革郝鑒二贊元末兵亂奉母間關避地寓吳

松崖筆記

卷一

四

惠疇

姑蘇志惠疇字叙之江陰人知常熟縣幼農勸學擢良槩姦政以大成曾丞相榜其閣曰景言以旌之按從祖沛蒼公顏其閣曰景言蓋取少卿公之事以名之第從曾叔祖名與少卿同且譜又無少卿名殊不可解

詩話一則

五言始于東漢至魏後盛然已見于經如易不鼓缶而歌則大耋之嗟禮鳴鳩拂其羽戴勝降于桑非五言之絕佳者乎李陵蘇武詩魏人擬漢耳何以知之曰不類且蘇武傳載李陵詩猶是騷體與大風歌相類是時五言未興也

會館故事

田雨來側塾錄省：於京師各有會館即郡縣間亦有之凡團拜以及同鄉公事皆於此行禮所以聯桑梓之情釋羈旅之懷也團拜於新正三日行之分曹互拜列坐三品以上序爵以下序齒每科新進士自他處行賀於此拜禮如之列坐則推之居上乃前輩援引後輩之意康熙中有滿科以群會結黨奏請拆毀奉旨但行禁革由是遂廢山東止一處在潘家河沿名齊

魯會館

松崖筆記

卷一

五

杜兼

大唐傳載曰杜兼嘗聚書萬卷每卷後必自題曰清俸寫來手
自校女曾讀之知聖道墜之嚮帛之爲不孝二百一

韓門弟子

國史補曰韓愈引致後輩為舉科第多有投書請益者時人謂
之韓門弟子後官高不復為也 廣記二百二

三色書

羊欣筆陣圖曰魏鍾繇精思學書卧畫被穿過來如廁終日忘
歸每見萬類皆書象之繇善三色書最妙者八分 二百六

陳驚坐

王僧虔名書錄曰杜陵陳遵後漢人不知官善篆隸每書一坐
皆驚時人謂爲陳驚坐 二百九

歸煞

宣室志曰俗傳人之死凡數日當有禽自柩中而出者曰殺大
和中有鄭生者常於隰川與郡宦畋於野有網得一巨鳥色蒼
高五尺餘生將命解而視之忽無所見生驚即訪里中民訊之
民有對者曰里中有人死且數日卜人言今日殺當去其家伺
而視之有巨鳥色蒼自柩中出君之所獲果是乎天寶中京兆

松崖筆記

卷一

六

尹崔光遠因遊政常遇一妖鳥事与此同也 三百六十六

顏氏家訓風操篇曰偏傍之書死有婦燕子孫逃竄莫肯在家
畫瓦書符作諸厭勝喪出之日門前然火戶外列灰被送家鬼
章斷注連凡如此比不近有情乃儒雅之罪人彈議所當加也

泥醋

北夢瑣言曰火燒瘡以泥醋傅之甚驗 二百二十

特恩著令

漢書吳芮傳曰初文王芮高祖賢之制詔御史長沙王忠其定
著令鄧展曰著令中使特王張竦曰王莽傳上高祖之約非劉氏不

王然而番君得王長沙下詔稱忠定著於令明有大信不拘於
制也 本朝各省學臣本無題補官員之例雍正初先君子官
粵憫司教者不得其人以潮州進士翁君廷資可任教官具疏
題補韶州府教授奉 旨着照惠某所請補授後不爲例此特
恩也特恩不可爲常故著令冢宰武陵楊公趙曾撰先君子墓
銘云越詞例題補不古至尊垂聽 特旨允行著于甲令蓋本吳芮
贊語讀者不知其隸事之切也

淳和麥

壬子年拾遺曰有淳和麥麩以釀酒一醉累月食之凌冬不寒

誕先登于岸

詩多宜岸直
概了又岸中
行

詩皇矣曰誕先登于岸。鄭箋云。誕大登成。岸訟也。天語文王欲
廣大德美當先平訟正曲直也。半農先生云似此時方與下文
合。佛家有彼岸之說。宋人取之。援釋入儒。吾無取焉。

餘閣奠

檀弓上曾子曰始死之奠其餘閣也。與謂就閣上所餘醢醢為
奠。今惟奠之禮可稱餘閣奠。

乾天有河

春秋說題辭云河以通乾出天苞。雒以流坤吐地符。九家注盡
卦云乾天有河。仲翔注屯卦云坎水流坤本此。

雲門三種語

孫子不_{六為生}後。孟氏_{六為生}次。心千_{六為生}信_{六為生}。

李壁曰禪宗論雲門有三種語。其一為隨波逐浪。句謂隨物應
機。不主故常。其二為截斷衆流。句謂超出言外。非情識所料。其
三為函蓋乾坤。句謂泯然皆契。無間可伺。其深淺。以是為序云。

粹耳

介甫詩小胡粹耳爭留連。李壁曰粹耳。胡人以為重體。

白門

松崖筆記

卷一

建康志曰白門即臺城宣陽門也宋明帝時或謂宣陽門為白門不祥甚諱之右丞江謚誤犯帝變色曰白汝家門陳少章通鑑胡注正誤謂建康城門十二無白門未之考也

庾蘭成

張說題庾信宅蘭成追宋玉舊宅偶詞人太平寮字記蘭成江州舊治

課

梵志語云梵志不傳經不持課

蹉對格

介甫酬朱昌叔詩云去年音問隔淮州百謫難知亦我憂前日杯盤共江渚一歡相屬豈人謀山蟠直續輸淮口水抱長干轉石頭乘興丹輿無不可春風從此與公游李壁曰前四句名蹉對格

十八東西

介甫寄程給事詩舞急錦腰迎十八酒酣金盞照東西注今曲有六么有花十八東西酒器名也今猶有玉東西

名僧社

廬山記慧遠法師居東林寺於是絕塵之侶四方皆至彭城劉

遺民豫雷次宗雁門周續之南陽宗炳張野百有二十二人與師同脩淨士之社乃今遺民著發願文

香火因緣

北史陸法和傳法和曰但於空王佛所與主上有香火因緣

劉敞

劉原甫撰七經小傳謂毛詩尚書公羊周禮儀禮禮記論語也元祐史官謂慶歷前學者尚文詞多守章句注疏之學至敞始異諸儒之說後王安石脩經義蓋本敞如伊尹相湯伐桀外自之說之類經義多勦取之史官之言良不誣也此据楊時

龜山說今附此

淮泗入江

唐李翱為東南錄云自淮沿流至于高郵乃沂至於江孟子所謂決汝漢排淮泗而注之江則淮泗嘗入江矣此乃禹之舊迹熙寧中曾遣使按圖求之故道宛然終不能復

朋友世親

左氏襄二十六年傳云初楚伍參與蔡太師子朝友其子伍舉與聲子相善也杜預曰聲子子朝之子伍舉子胥祖父椒舉也朋友世親按兄弟世疏朋友世親古語也見潛夫論楚語椒舉

奔鄭聲子將如晉遇之於鄭郊饗之以璧侑曰子尚良食二先子其皆相子韋昭曰相助也二先子謂伍參子朝也

雲門

林間錄雲居佛印禪曰雲門和尚說法如雲絕不喜人記錄其語見必罵逐曰汝口不用反記我語他時定販賣我去今對機寶中錄皆東林明教以紙為衣隨所聞隨即書之後世學者漁獵文字語言中正如吹網欲滿非愚即狂可歎也

活句死句

洞山初禪語一編福嚴良雅所集其語言宏妙真法窟爪牙大略曰語中有語名為死句語中無語名為活句未達其源者落在第八魔界中又曰言無展事語不投機秉言者喪滯句者迷於此四句語見得分明也作箇脫洒衲僧單椽片瓦粥飯因緣堪與人天為善知識於此方明不明終成鹵莽

語忌十成

龍牙和尚作半身寫照其子報慈化為之贊曰日出連山月圓當戶不是無身不欲全露二老洞山本兒孫也故其家風機貴九使不犯正位語忌十成使不隨今時而化匠心獨妙語不失宗為可貴也

六祖

雪溪六祖大師方其韜晦時雜行止於編民混儔侶於商農十有六年蠻兒海豎販夫灶婦得以追呼爾汝及其德加於人道信於天下也雖屢朝天子不得而師友之其行聖賢之分故莫知貴賤之異也

品字柴

金華懷老上座氣韻閑淡過客謁之多不言侍者問之答曰彼朝貴人多知多識我粥飯僧見之自然口訥遲鈍予曾問住山有何趣味答曰山中住獨掩柴門無別趣三箇柴頭品字煨不

用援毫文彩露

洞山

君子愛財取之有道洞山總禪師語

端木叔

列子楊朱篇端木叔一則絕類沈萬源可以作序

煬灶口

淮南子曰富人 錦貧人煬灶口煬音楊司馬云對火曰煬

牽挺

湯問篇紀昌偃臥其妻之機下以目承牽挺注牽挺機躡

松崖筆記

卷一

十三

鶯歌

昔韓娥東之齊，匱糧過雁門。鶯歌假食既去，而餘音繞梁，櫬三日不絕。

重陽

唐大詔：令正元五年正月，以二月一日為中和節。詔曰：四序嘉辰，歷代增置。漢崇上巳，晉紀重陽。咸說禳除，雖因舊俗；與衆共樂，誠洽當時。朕以春方發生，候及仲月，勾萌畢達，天地和同。俾其昭蘇，宜助暢茂。自今宜以二月一日為中和節，以代正月晦日。備三令節之數，內外官司，休假一日。

古文孝經尚書

開元七年三月，令諸儒質定古文孝經尚書。詔曰：孝經尚書有古文本，孔鄭注其中，指趣頗多，踳駁精義，妙理善無所歸。作業用心，復何所適？宣令諸儒并訪後進，達解者質定奏聞。

吏部引見縣令勅

天寶十三載五月

遣十使巡察風俗制

神龍二年二月

處分朝集使勅八首 蘇頌文

松崖筆記

卷一

十三

開元三年三月十五日 六年三月六日 七年三月十一日
十月二日 八年二月十九日 三月十一日 十年正月
十一日 二月二十七日又開元十六年以後有處分朝集使
勅五首張九齡文

令明經進士就國子監謁先師勅

開元五年

令禮部掌舉勅

略曰每歲舉人惟考功郎中所職名實不倫六官之例體是問
既宗伯掌禮宜知賓薦自今以後每諸色舉人及齋郎等試

並於禮部集既 務煩襍仍委侍郎專知

冊壽王楊妃文

此種以少為多
生年向與此
仿古厚瓦子不
言新去人之
也

惟開元二十三年歲次乙亥十二月壬子朔二十四日乙亥皇
帝若曰於戲樹屏崇化必正壺闈配德協規允茲懿哲爾河南
府士曹參軍楊紆墩長女公輔之門清白流慶誕鍾粹美含章
秀出固能徽範風成柔明自遠脩明內湛淑問外昭是以選極
名家儼茲藩國式光典冊俾叶龜謀今遣使戶部尚書同中書
門下李林甫副使黃門侍郎陳希烈持節冊爾為壽王妃爾其
宏宣婦道無忘姆訓率由孝敬永固家邦可不慎歟

度壽王妃為女道士勅 孫述文

勅至人用心方晤真宰 女勤道自昔罕聞壽王瑁妃楊氏素以端懿作嬪蕃國雖居榮貴每在精脩屬太后忌辰永懷追福以茲求度雅志難違用敦宏道之風特遂由衷之請宜度為女道士

二疏圖

昌黎送楊少尹序曰昔疏廣受二子以年老一朝辭位而去於時公卿設供張祖道都門外車數百兩道路觀者多嘆息泣下共言其賢漢史既傳其事而後世工畫者又圖其迹至今照人耳目晉王彪之自序曰余自求致仕詔累不聽因扇上有二疏畫作詩一首以述其美

通家

許嵩建康實錄曰始安太守于寶與翟湯通家遣船米餉湯

宋略

農子野宋略建康實錄采之

履

建康實錄齊列傳曰太祖輔政鎮東府朝廷致敬虞玩之猶躡屐造席太祖取屐視之訛黑斜銳 斷以共接之問曰卿此已

松崖筆記

卷一

十五

幾載玩之曰三十一年矣

母忌日

張融性孝義母忌日三旬皆不聽音樂

阡陌亭長

抱朴子雜應篇曰或以三皇天文召司命司危五岳之君阡陌亭長六丁之靈皆使人見之而對問以諸事則吉凶昭然存諸掌無遠近幽深咸可先知也

內篇卷十五

今文大誓

抱朴子用刑篇曰盟津之令後至者斬畢力賞罰

外篇卷十一

酈孟

酒誡篇曰豐侯得罪以戴尊酈孟

外篇卷二十四

戲婦法

疾謬篇抱朴子曰俗間有戲婦之法於稠衆之中親屬之前間以醜言責以慢對其為鄙躓不可忍論或盛以楚撻或繫脚倒懸酒容醜營不知限量至使有傷於流血踈折支體者可歎者也古人有感離別而不滅燭悲代親而不舉樂禮論娶者羞而不賀今既不能動蹈舊典至於德為鄉閭之所敬言為人士之所信誠宜正色矯而呵之何謂同其波浪長此弊俗哉

外篇卷二十五

孫陽字伯樂

晉語趙簡子使尹鐸為晉陽曰必墮其壘培尹鐸往而增之簡子怒郵無正進諫簡子賞尹鐸初伯樂與尹鐸有怨以其賞如伯樂氏韋注伯樂無正字按郵無正左傳作郵無郵呂覽作孫明明當作陽呂覽所載與晉語略同高誘曰孫明簡子臣孫無政郵良也見卷二十五似順論

八索

鄭語史伯曰平八索以成人韋昭曰平正也八索謂八體以應八卦也謂乾為首坤為腹震為足巽為股離為目兌為口坎為耳艮為手愚按左史倚相能讀八索即易也

訓典

楚語申叔時論傳太子之事曰教之訓典使知族類行比義焉訓即左傳所云夏訓之類典五典也

叔振

左傳曰管叔振鐸晉語僖負羈曰先君叔振

居產之半請方

列子云宋陽里華子中年病忘魯有儒生自媒能治之華子之妻子以居產之半請其方周穆王篇

墨字

關尹子曰有誦呪者有祀神者有墨字者有變指者皆可以役神御氣變化萬物見七按御覽引墨字五行記言坐在立亡事抱朴子所傳鄭君書有墨子枕中五行記五卷又云墨子五行記本有五卷昔劉君安未仙去時抄取其要以為一卷其法云云詳見內篇墨字乃墨子之訛神仙傳劉政治墨子五行記又服未英丸

坐陣

晏子春秋曰吾聞介冑坐陣不席獄訟不席尸坐堂上不席見內

第二篇諫下 半農先生曰奉尸夷於堂子坐不席也

主一無適

文子曰一也者無適之道也半農云宋儒主一無適之學本此棟按適讀為敵宋儒不識字讀如適

錄圖

淮南子人間訓曰秦皇挾錄圖見其傳曰亡秦者胡也倣真訓曰洛出丹書河出綠圖北堂書鈔引巢隨子曰殷滅周人受之河出綠圖也

銜枝

松崖筆記

卷一

十八

宋玉九辨曰願銜枚而無言兮嘗被君之渥洽王逸曰意欲括囊而靜默也

隕命

韋昭注晉語曰伐國獲君若晉獲晉惠是為隕命司馬法曰其有隕命行禮如會所爭義不爭利也

甲寅甲午

雲笈七籤曰甲寅日可割指甲甲午日可割脚甲此日三尸遊處故以割除制尸魄也

荆木心方

酉陽雜俎廣動植篇曰荆木心方家君曰見三禮舊圖說聶氏刪去之矣

三從房

成式三從房叔父某者自信

又曰三从：凡云：

設微薄

晉語曰曹共公聞公子駢脅欲觀其狀止其舍謀其將浴設微薄而觀之孔晁注國語曰謀候也微薄也左傳釋文曰國語云薄簾也半農先生曰微薄若今之簾高誘注淮南云曹共公聞重耳駢脅使而捕設薄而觀之

顏師古注漢書

唐書王勃九歲得顏師古注漢書讀之作指瑕以摘其失

啖助

淮南子曰春秋變周啖助用其說以為兼用夏禮則不然

券臺

研北襟志曰今人呼墓地為明堂唐世嘗詔改為券臺

父母改葬總

孔叢子曰司徒文子改葬其叔父問服於子思子思曰禮父母改葬總既葬而除不忍無服送至親也非父母無服無服則弔

而加麻文子曰喪服既除然後乃葬則其服何服答曰三年之喪未葬服不變除何有焉期大功之喪服其所除之服以葬既葬而除之其虞也吉服以行事也見抗志篇

婦人以夫氏

又曰衛將軍文子之內子死復者曰臯媚女復子思聞之曰此女氏之字非夫氏之名也婦人於夫氏以姓氏稱禮也

同歲總

連叢子下曰魯人有同歲上計而死者欲為之服問於季彥季彥只有恩好其總乎昔諸侯大夫共會事於王及以君命同盟

伯主其死則有哭臨之禮今之上計並覲天子有交燕之歡同盟涕素上紀先君下錄子弟相敦以好相厲以義又數相往來特有私親雖比之朋友不亦可乎 孔融陳群皆有同歲論後漢董卓傳注載王邑名字云見同歲名同歲名猶今之同年錄也

別生妹同生兄

真誥曰王子喬父周靈王靈王第三女名觀香是宋姬子於子喬為別生妹又曰子喬弟兄七人得道其眉壽是觀香之同生兄亦得道

外兄弟

喪服經曰姑之子總注云外兄弟也又曰舅之子總注云內兄弟也

朋友麻

喪服記朋友麻注云朋友雖無親有同道之恩相為服總之經帶檀弓曰群居則經出則否

在官居喪

通典奪情議一條下云調露二年中書舍人歐陽通起復本官每入朝必徒跣至城門外然後著鞬而朝直宿在省則席地藉

藁非公事不言亦未啓齒歸必纒經號慟無恒語云國朝奪情者多矣惟通能合典禮半農先生曰在官居喪得禮之變唐書不載列傳史官無識

鳶肩火色

鳶肩出晉語火色出周書

異姓

家語弟子行曰獨居思仁公言仁義其於詩也則一日三覆白圭之玷是宮緇之行也孔子信其仁以為異士王肅曰大戴禮引之曰以為異姓婚姻也以兄之女妻之者也國語先王聘居

于異姓

松崖筆記卷二

東吳惠棟定宇氏撰

正一平炁

真誥協昌期第一引正一平經注云秦清家有正一平炁此恐
脫炁字

答偶人

老子道經曰如瓊兒之未孩河上公注曰如小兒未能答偶人
時也按答偶人猶言相人偶

案相人偶見
鄭康成禮注

春秋正義

松崖筆記

卷二

孔穎達春秋正義三十六卷淳化元年本慶元六年重刊前後各八行每行十六字卷末有馮嗣祖趙彥穰校勘姓名此書北平孫氏藏本康熙末歸李滄偉後又歸東海徐氏朱君文游以八十金得之文游名真篤行好學士也

朱選之

梁書朱异傳曰异父异以義烈知名官至齊江夏王將軍吳平令异年數歲外祖顧歡撫之謂异祖昭之曰此兒非常器當成卿門戶棟案南齊書孝義傳曰朱謙之父昭之為族人朱幼方燎火所焚謙之永明中刃殺幼方幼方子憚於津陽門伺殺謙之謙之之兄選之又刺殺憚世祖曰此皆是義事悉赦之選之幼時顧懽以女妻焉官至江夏王參軍則選之即异父也選异字相似故訛為異江夏王將軍當作參軍

史

春秋元命苞曰屈云挾一而起者為史史之為言紀也天度文法以比起也見御覽二百三十五

喜

春秋元命苞曰两口御士為喜：得明心喜者為意喜天心宋均曰今於口間才移一畫者於字體安也是為两口士也喜得

明：得所喜也心為天王布政之宮萬物須之乃成所以為喜也
御覽四百六十七

唐史

春秋文耀鉤曰楚立唐氏以為蒼雲如蜺圍軫七蟠中有荷斧之人嚮軫而蹲蟠猶周也楚驚唐史曰君慢命又簡宗廟命天軫於天文楚之分也向於是晝遺災煙耀於蒼雲精消無文軫之而踞是慢命簡宗廟於精雲水氣圍軫水也晝日陽也炎火亦陽也遺之者蒙蟠所也水難勝火三陽併氣日火炎上宜消滅也文則蜺也唐史之策上滅蒼雲告神以御覽二百三十五

孫卿

風俗通曰孫卿有秀才善為詩禮易春秋之學齊襄王時孫卿最是老師三為祭酒見意林及御覽二百三十六

董仲舒

幽明錄董仲舒下帷讀書有客來詣語遂移時仲舒知其非常客又曰欲雨仲舒因此戲之曰巢居知風穴居知雨卿非狐狸則是鼯鼠客聞此言色動形壞化成老狐狸也

仁

春秋元命苞曰仁者情志好生愛人故其為人以人其立字二

人為仁仁人言不專於已念施與也
松崖筆記 卷二

三命

春秋元命苞曰聖人一其德智者循其轍長生久視一其德言盡其德得

帝之精氣也循其轍言不違其帝所尚也如是不以命制則愚者悖

慢智者無所施其術殘物逆道天必殺故立三命以垂策所以

尊天一節三者法三道之術不以命制愚慢之人則賢智道術不得施行勢相反命者天之令也

所受於帝行正不過得壽命壽命正命也起九九八十一帝天

八十一陽氣相乘之極有隨命隨命者隨行為命也援神契曰隨者逆天道常善之行隨其暴

虐行以效之有遭命遭命者行正不誤逢世殘賊君上逆亂辜咎下

流災譴竝發陰陽散忤暴氣疊至日滅地動人命絕沙鹿襲忤

也襲淪也河水淪沙鹿之邑溺殺人也

二十五等

文子曰昔者中黃子曰天有五行地有五方聲有五音物有五

味色有五章人有五伍五伍二十五故天地之間有二十五等

人上伍有神人真人道人至人聖人次伍有德人賢人智人善

人辯人中伍有公人忠人商人平人直人下伍有衆人奴人愚

人視肉人小人上伍之與下伍猶人之與牛馬也已上三則並見御覽三百六十

黃土人

風俗通曰天地初開未有人女媧搏黃土為人力不暇乃引絙

松崖筆記 卷二 四

於泥中以為人故富貴者黃土人也貧賤者絙人也見御覽七十八又三十六

後生為兄

譙子法訓曰一產二子當以後生者為兄言其先胎也答曰此野人之鑿語耳君子不測暗安知胎之先後也御覽三百六十

關澤

會稽先賢傳曰吳侍中關澤字德潤在母胎八月叱聲震外

氏姓

風俗通曰萬類之中惟人為貴春秋左氏傳官有世功即有官

族邑亦如之公羊譏衛滅邢論語貶昭公娶於吳謂同姓也蓋姓有九或氏於號或氏於謚或氏於爵或氏於國或氏於官或氏於字或氏於居或氏於事或氏於職以號唐虞夏殷也以謚戴武宣穆也以爵王公侯伯也以國曹魯宋衛也以官司徒司空司空司城也以字伯仲叔季也以居城國園池也以事巫卜陶正也以職三馬五鹿青牛馬也御覽三百六十二

孫敬

御覽引漢書曰孫敬字文寶好學晨夕不休及至眠睡疲寢以繩繫頭懸屋梁後為當世大儒

同歲子

汝南先賢傳曰黃浮字隱公陽安人除為慮長濮陽令同歲子為都市掾犯法當死一郡盡為之請浮曰周公誅二弟石碣討其子今雖同歲子浮所不能教也

矩頸

春秋元命苞曰北方至寒其人形矩頸注矩頸畏寒也

御覽三百六十九

手握文雅

論語摘輔象曰仲弓鉤文在手是謂知始宰我手握戶是為守道子游手握文雅是謂敏士公冶長手握輔是謂習道子貢手

握五是謂受相公伯周手握直期是謂疾惡又孝經援神契曰

舜手握裛宋均曰手中有裛字也

御覽三百七十

疝

通俗文曰乳痛曰疝

御覽三百七十一

誦封禪書

齊春秋曰世祖嘗於華林園宴集使群臣各出所長王儉曰臣少為書生請誦封禪書跪前誦之容止可觀音吐蘊藉上大悅曰樂哉

趙子聲

趙子聲書請郭成學曰夫學之於人猶土地之山川也珍寶於是乎出猶樹木之有枝葉也本根於是乎庇

斗有威儀

春秋說題辭曰禮者體也人情有哀樂五行有興滅故立鄉飲之禮婚姻之宜朝聘之表尊卑有序上下有體王者行禮得中斗居天中而有威儀王者法天中和物備之是亦得天之中和也禮得則天下咸得厥宜陰陽滋萬物調四時和動靜常用不可須臾離也

抱經

東觀漢記曰杜林於河西得漆書古文尚書經一卷每遭困厄

握抱此經見御覽六按韓詩獨抱遺經究終始本此

清介傳

魏略以常林吉茂沐竝時苗四人為清介傳見魏書常林傳注

丈人

蜀書先主傳獻帝舅車騎將軍董承臣松之素董承漢靈帝母董太后之姪於獻帝為丈人蓋古無丈人之名故謂之舅也

翬

字林曰翬思貌也音忙角反見裴松之蜀書張裔傳注

卧蒿菜

京兆舊事曰長安孫晨家貧為郡功曹十月無被夜卧蒿菜晝收之

席價

范子計然曰六尺蘭席出河東上價七十蒲席出三輔上價百

六宗

張純六宗表曰臣竊以十一家凡有六統而所據各異考之經禮大義不通臣謂禋于六宗祀祖考所尊者六即三昭三穆也按王肅創夏商七廟之名張純有帝世六宗之表皆亂經之人張純疑三國張慎子字元基按三國志孫和傳注張純字元基

敦之子

謝嬰

嬰謝承父見吳書謝夫人傳御覽引作嬰字之訛文選注引謝承後漢書曰承父嬰為尚書郎及亦讀高祖及光武之後將相名策文訓條在南宮視于省閣惟臺郎升複道取急因得開覽按嬰當作嬰王伯厚曰漢尚書作詔文見周禮注尚書郎乃今中書舍人見通典

姨兄

江表傳曰潘濬姨兄零陵蔣琬為蜀大將軍見吳書潘濬傳注

松崖筆記

漢通

吳書韋曜傳華覈上疏救曜曰漢氏承秦則有叔孫通定一代之儀曜之才學亦漢通之次也

趙善譽

通考經籍志曰趙善譽易說二卷陳氏曰善譽為漢川進易說每卦為論一篇朱子易本義乾卦注曰或疑乾剛无不得之中正者不然也案語類乃破趙善譽之說也

東坡手澤

直齋書錄東坡手澤二卷陳氏曰今俗本大全集中所謂志林者也

少微集三十卷

陳氏曰職方員外郎會稽齊唐祖之撰齊斡之後天聖八年進士兩應科第皆為首選以切直報罷居鑑湖東北去城五里名其山曰少微其集顧臨為之序

日生為星

春秋說題辭曰星之為言精也陽之榮也陽為日月分為五星故其字日生為星

朱宣

河圖曰太星如虹下流華渚女節意感生白帝朱宣

淮南子

淮南子曰董仲舒請雨秋用桐木魚

左傳注

春秋考異記曰庚辰大雪：深七尺

謂渙

一統志曰謂渙江州縣人仕為汝南太守有公直之稱其同邑人又有司隸校尉程馬度遼將軍譙辛皆有名于時

太上感應篇八卷

右漢嘉奕江隱者李昌齡所編希弁生 師回嘗為之序四明史 疏其後曰趙公所序禍福善惡之報為尤詳可謂愛以德者余嘗守袁喜袁人之樂於趨善因閱是序矍然起敬而程公許湯中繼書之

義士信士

漢曹全碑陰有義士河東安邑劉政元方顧寧人曰處士者德行可尊之人義士則但出財之人而已今人出財布施皆曰信士宋太宗朝避御名凡義字皆改為信今之信士即從曹碑所稱之義士也

黃老

列子天瑞篇黃帝書曰谷神不死是謂元牝元牝之門是謂天地之根綿綿若存用之不勤此老子所述也老子之學蓋本黃帝故漢世稱黃老

列子

朋字當作明後頁碧字當作橘諸明神

列子所引黃帝書堯典穆天子傳周官皆有據又言東方介氏之國其國人數：解六畜之語與左傳合言太古神聖之人備知萬物情態悉解異類音聲見黃帝篇皆與周官左氏合橘樹渡淮而為枳鸛鶴不踰濟貉踰汶則死與考工合四海四荒四極與

爾雅合良弓之子必先為箕良冶之子必先為裘列子以為古

詩皆見湯問篇

陽里華

列子周穆王篇云宋陽里華子中年痛忘朝取而夕忘夕與而朝忘在塗則忘行在家則忘坐今不識先後不識今闔室毒之謁史而卜之弗占謁巫而禱之弗禁謁醫而攻之弗已魯有儒生自媒能治之華子之妻子以居產之半請其方儒生曰此固非卦兆之所占非祈請之所禱非藥石之所攻吾試化其心變其慮庶幾有瘳乎於是試露之而求衣饑之而求食幽之而求

松崖筆記

卷二

十一

明儒生欣然告其子曰疾可已也然吾之方密傳世不以告人
試屏左右獨與居室七日從之莫知其所施為也而積年之疾
一朝都除華子既悟乃大怒黜妻罰子操戈逐儒生宋人執而
問其以華子曰曩吾忘也蕩然不覺天地之有無今頓識既
往數十年來存亡得失哀樂好惡擾萬緒起矣吾恐將來之
存亡得失哀樂好惡之亂吾心如此也須臾之忘可復得乎

列子

列子明於易有一則與乾鑿度同仲尼篇顏回曰吾昔聞之夫
子曰樂天知命故不憂此繫辭為孔子作之明文也歐陽子謂

十翼非夫子作失之

太宰

論語太宰問子貢以仲尼篇攷之乃商太宰也列子云商太宰
見孔子曰丘聖者歟孔子曰聖則丘何敢然則丘博學多識者
也

無極

列子周書皆言無極庸堂案列子湯問篇云物之終始初無極
已始或為終或為始無極之外復無無
極

山海經

松崖筆記

卷二

十二

湯問篇大禹曰六合之間四海之內照之以日月經之以星辰紀之以四時要之以太歲神靈所生其物其形或夭或壽唯聖人能通其道此見山海經 荆南之 靈上古之大椿溟海之鯤鵬世豈知有此物哉大禹行而見之伯益知而 之 堅問志之

射御

孔子學射御其法見於飛衛秦豆之言見列子湯問篇

顏子

顏子壽十八見力命篇

婚宦

語有之曰人不婚宦情欲失半人不衣食君臣道息見力命篇

田父可坐殺

周諺曰田父可坐殺晨出夜入自以性之恒啜菽茹藿自以味之極肌肉粗厚筋節脆急一朝處以采毛絺幕薦以梁肉蘭橘心痛體煩內熱生疾矣見力命篇

姨丈人

名句文身表異錄曰袁聿脩為姨丈人崔休所知蓋今之姨夫也

同居

劉瑜三世同居外無異門內無異煙

儻人

河西節度使崔希逸儻人入奏事注儻從也唐制軍鎮大使以下皆有儻人別奏以爲之使廣韻儻苦念切玉篇去念切侍從也

君履

邢巒曰蕭藻是君履少年未洽政務

變童

北齊許散愁曰自少不登變童之床不入季女之室愚生平亦然

老婦駟

米元章書史云每歲荒及節迫往往使老婦駟攜書畫出售婦駟即今之牙婦也

拳捷

呂布傳董卓拔戟擲布布拳捷避之

重頤

韓詩有美一人碩大且膾注膾重頤也見御覽三百六十八

賂作備

高歡立皮盜私物十備五盜官物十備三後周詔盜侵倉廩雖經赦免徵備如法備音培償補也今作賠義同而俗從備為古

儀適

猶儀注見靈融傳

排馬牒

羅希爽自青州如嶺南之過殺謫者排馬牒至宜春李適之自殺排馬牒如今起馬牌也

登殺

猶言登時殺也見唐書戴胄傳

句投

句讀法華經作句逗馬融長笛賦都法于節奏察度于句投

奔師喪

後漢桓榮傳曰榮字春卿沛郡龍亢人也少學長安習歐陽尚書事博士九江朱普卒榮奔喪九江負土成墳

上師冢

漢書儒林傳長安許商長伯門人沛唐林子高重泉王吉少音王莽時林吉為九卿自表上師冢大夫傳士郎吏為許氏學者各從門人會車數百兩儒者榮之

子玉

說苑尊賢篇曰虞有宮之奇晉獻公為之終夜不寐楚有子玉得臣文公為之側席而坐遠乎賢者之厭難折衝也家君曰左氏以成敗論人故子玉得臣負謗萬世然子玉自是英豪賢臣子文舉之晉文公畏之若遇秦繆公功名自在孟明之上

邱舍

說苑尊賢篇曰史鮪去衛靈公邱舍三月琴瑟不御待史鮪之入也而後入

中

又曰子路曰由聞之也士不中而見女無媒而嫁君子不行也家語作不中間見注云中間謂紹介也

拭舟

正諫篇曰晉平公使叔向聘於吳、人拭舟以逆之

扁鵲

辯物篇曰趙王太子暴疾而死扁鵲診之先造軒光之室甞八戒之湯砥針礪石取三陽五輸子容搗藥子明吹耳陽儀反神子越扶形子游矯摩太子遂得復生

冠鉢

松崖筆記

卷二

六

脩文篇曰知天道者冠鉅知地道者履蹠能治煩決亂者佩觿能射御者佩鞬能正三軍者搢笏衣必荷規而承矩負繩而准下故君子衣服中而容貌得接其服而象其德故望玉貌而行能有所定矣詩曰芄蘭之枝童子佩觿說行能者也

婚禮

又曰夏公如齊逆女何以書親逆禮也其禮奈何曰諸侯以履二兩加琮大夫庶人以履一兩加束脩二曰某國寡小君使寡人奉不珍之琮不珍之履禮夫人貞女夫人曰有幽室數辱之產未諭於傅母之教得承執衣裳之事敢不敬拜祝：答拜夫人受琮取一兩履以履女正笄衣裳而命之曰往矣善事爾舅姑以順為宮室無二爾心無敢回也女拜乃親引其手授夫乎戶夫引手出戶夫行士從拜辭父於堂拜諸母於大門夫先升輿執輿女乃升輿轂三轉然後夫下先行大夫士庶稱其父曰某之父某之師友使某執不珍之履不珍之束脩敢不敬禮某氏貞女母曰有草茅之產未習於織紝紡績之事得奉執箕帚之事敢不敬拜

三寢

又曰春秋曰壬申公薨于高寢傳曰高寢者何正寢也曷為或

言高寢或言路寢曰諸侯正寢三一日高寢二曰左路寢三曰右路寢高寢者始封君之寢也二路寢者繼體君之寢也其二何曰子不居父之寢故二寢繼體君世々不可居高祖之寢故有寢名曰高也路寢其立奈何高寢立中路寢左右春秋曰天王入于成周傳曰成周者何東周也然則天子之寢奈何曰亦三承明繼體守文之君之寢也曰左右之路寢謂之承明何曰承乎明堂之後者也故天子諸侯三寢立而名實正父子之義章尊卑之事別大小之德異矣

遷爵稱故官

家語本姓解曰胄子雖遷爵易位而班級不及其故者得以故官為稱

既練明日祔祖

家語曲禮子夏問篇孔子曰殷人既練之明日而祔于祖周人既卒哭之明日而祔于祖祔祭神之始事也周人以戚吾從殷

九曜石題名

程師孟金君卿李宗儀許彥先同游藥洲熙寧甲寅上元日題正書

花藥氤氳海上舟山中雲影帶沙流直應路與銀潢接棧客時

來犯牛斗彥先再游移穉稹侍興寧甲寅上巳正書

柳誠懸

轉運使度支節度中金君卿正叔轉運判官太子中舍許彥先

管一勾文字殿中丞金材拙翁門人成度公適熙寧癸丑

中伏泛舟避暑正書

一東經略安撫使起居舍人龍圖閣一制曾布子宣轉運副使
都官外向宗旦公美轉運副使屯田外郎一 道濟前廣西轉
運判官太常一賡聲元叔豐元年正月晦日遊行書

嘉熙庚子孟秋長樂黃朴成朴成父幻同郡唐璘伯玉莆田劉
一克莊潛夫泛舟仙湖：多怪石其二峰尤壯偉乃宅殿中以

作亭焉左盤右踞勢若相俸而岩立又類乎守道不屈者 磨
崖以識之

鱔門

史記伍子胥傳子胥告其舍人曰抉吾眼懸吳東門之上以觀
越寇之入滅吳也正義曰東門鱔門謂鱔門也今名對門鱔音
普姑反鱔音覆浮反越軍開示浦子胥濤蓋羅城開北門有鱔
鱔隨濤入故以名門顧野王云鱔魚一名江豚欲風則涌之也
按廣韻鮪魚名又江豚別名天欲雨風則見鮪上同普胡切又

鮪鱔魚名亦作鮪博孤切見十
一換

松崖筆記

卷二

十九

母妯父妯

方言曰南楚瀑涯之間母謂之媼謂婦妣曰母妯稱婦考曰父妯按涯水在桂陽妯音多集韻音常支切或作妣古者通以考妣為生存之稱

古不墓祭

白虎通曰葬於城郭外何死生別處終始異居易曰葬之中野所以絕孝子之思慕也傳曰作樂於廟不聞於墓哭泣於墓不聞於廟見崩薨篇

數

風俗通曰千生萬、生億、生兆、生京、生秭、生垓、生壤、生溝、生澗、生正、生載、地不能載也見廣韻五音

餽

廣韻曰女宗三日送食曰餽見二十四緩餽乃管切

簡鮮

廣韻簡鮮今人戶版籍也簡音牽上聲見二十八獨鮮息淺切

丈人

顏氏家訓曰吾嘗問周宏讓曰父母中外姊妹何以稱之周曰亦呼為丈人自古未見丈人之稱施於婦人也余讀而笑曰顏

氏之學不及周宏讓矣古詩為焦仲卿作曰三日斷五疋丈人
故嫌遲此仲卿妻蘭芝謂其姑也史記刺客列傳家丈人索隱
曰劉氏曰謂主人翁也又韋昭云古者名男子為丈夫尊婦嫗
為丈人故漢書宣元六王傳所云丈人謂淮陽憲王外王母即
張博母也故古詩曰三日斷五疋丈人故嫌遲此婦人稱丈人
之明證也王充論衡曰人形一丈正形也名男子為丈夫尊公
嫗為丈人不滿文者失其正也然則焦仲卿之妻稱其姑為丈
人自漢已有之矣或改作大人此又襲顏氏之陋矣

松崖筆記卷三

畫諾

困學記聞卷十四曰唐六典太子令書畫諾本朝至道初改為準
此東宮畫諾也陸龜蒙說鳳尾諾云東宮曰令詩王曰教其事
行則曰諾猶天子肯臣下之奏曰可也晉元帝為琅邪王批鳳
尾諾南齊江夏王學鳳尾諾則諸王亦畫諾矣後漢書云南陽
宗資主畫諾梁江州刺史陳伯之目不識書得文牒辭訟惟作
大諾則郡守刺史亦畫諾矣

松崖筆記

卷三

一

東吳惠棟定宇氏撰

諱行錄

楊文莊公徽之好言唐朝士族間諱行錄悉能記之按館閣書目諱行錄一卷以四聲編登科進士族姓名字行第官秩及父祖諱主司名氏起興元元年宋敏求續為後五卷

楮幣

周益公襍誌辨楮幣謂俗人創二字通上下皆用猶紙錢也按范淳父為郭子華誌言交子之紙幣之設本與錢相權元祐間已有此語矣

昌谷

李長吉有春歸昌谷詩張文潛春游昌谷訪長吉故居云惆悵錦囊生遺居無復處在河南福昌縣三鄉東唐福昌縣今宜陽縣一統志昌谷水在河南府宜陽縣西九十里舊名昌河源出陝州界東南流入洛

古詩為題

梁元帝賦得蘭澤多芳草詩古詩為題見於此

上梁文

後魏溫子叔閻閻門上梁祝文云云此上梁文之始也

孝德傳

松崖筆記

卷三

二

梁元帝孝德傳天性讚曰欲報之德不可方思涓塵之孝河海之慈即孟東野寸草報春之意

尹氏

錄異傳曰周時尹氏貴盛五葉不別會食數千遭饑荒羅鼎作粥春秋書尹氏譏世卿然能與周同盛衰者亦有家法維持之也

上計

周禮歲終正治而致事注上其計簿疏云漢時考吏謂之計吏今按說苑晏子治河東三年景公召而數之明年上計景公迎而賀之韓子外儲說西門豹為鄴令居期年上計君收其璽新序魏文侯東陽上計錢布十倍史記秦昭王召王稽拜為河東守三年不上計然則春秋戰國已有上計非始於漢

印章 斗檢封

貨賄用璽節注今之印章也司市注云如今斗檢封職金云揭而璽之左傳季武子使公冶問璽書追而與之戰國策欲璽者段干子也蔡邕獨斷云古者尊卑共之衛宏云秦以來天子為璽又獨以玉為之臣下莫敢用唐又改璽為寶。運斗樞曰舜為天子黃龍負璽世本曰魯昭公始為璽

无交害

易大有初九无交害匪咎象曰大有初九无交害也胡氏炳文曰富者怨之府故當大有之時反易有害初陽在下本與物接所以未涉於害也

謂煥

後漢廖扶傳扶字文起汝南平輿人太守謂煥先為諸生從扶學後臨郡未到先遣使脩門人之禮

結案

楊倫傳尚書奏倫探知密事繳以求直坐不敬結鬼薪注結正其罪也按今人以獄成為結案結字本此

皇上

杜篤論都賦曰于時聖帝赫然申威荷天人之符兼不世之姿受命於皇上獲助靈祇皇上謂天也尚書曰惟皇上帝降衷于下民當据詩皇矣上帝李注出古文杜篤所未見也

方底

廣陵思王荆傳荆作飛書封以方底注方底囊所以盛書也前書曰綠綈方底

失妻不娶

松崖筆記

卷三

四

朱暉傳暉字文季南陽宛人注華嶠書曰暉年五十失妻昆弟欲為繼室暉歎曰時俗希不以後妻敗家者遂不復娶

故孝廉

趙咨傳咨舉高第累遷敦煌太守復拜東海相之官道經滎陽令敦煌曹嵩咨之故孝廉也迎路謁候咨不為留嵩送至亭決望塵不及謂主簿曰趙君名重今過界不見必為天下笑即棄印綬追至東海謁咨畢辭歸家其為時人所貴若此注咨為敦煌太守時薦嵩為孝廉

已貴從師

朱程傳梁舉暉高弟為侍御史時同郡趙康叔盛者隱於武當山清暉不仕以經傳教授程時年五十乃奉書稱弟子及康沒喪之如師

拔貢生

孫永祚傳崇正末特詔府州縣學生做鄉試掄其才者學一人謂之拔貢生將大用之永祚以詩經第一薦謁吏部選試第一授推官

古文疏證

經義攷閻若璩尚書古文疏證十卷姚際恒古文尚書通論別

松崖筆記

卷三

五

偽例十卷錢煌壁書辨疑六卷朱竹垞曰三家皆攷古文尚書者

襴衫

靜志居詩話曰吳丕顯希文相傳初補學官弟子製青苧布為襴衫授兄子太僕烟以及孫曾家有青苧亭至今存焉襴衫之製諸生服之洪武二十四年三易其式而後定用玉色絹布為之寬袖皂緣繫縹委襦其後漸易以藍罕用布者矣

女秀才

詩話明初識字婦女得舉女秀才入尚功局萬載縣志載縣民敖用敬妻易淵碧洪武二十六年舉女秀才以疾還鄉又中部千戶陳泰國妻龍玉英孀居亦舉女秀才洪熙元年封大樂賢母范氏殆其選也

論吉壤

新安程觀生仲孚奇士也好談王霸之略兼治青烏家言其持論謂人家葬吉壤出聖賢者第一其次忠臣節士又其次博學就徵以科甲為最下

講武屋

左傳宣十六年夏成周宣榭火社注云宣榭講武屋別在洛陽

者

興朝卹錄前朝死義

困學紀聞唐太宗贈堯君素蒲州刺史詔曰雖桀犬吠堯亦倒戈之志而疾風勁草表歲寒之心我藝祖贈韓通中書令制曰易姓受命王者所以徇至公臨難不苟人臣所以明大節大哉王言表忠義以屬臣節英主之識遠矣歐陽公五代史不為韓通立傳劉原父識之曰如此是第二等文字通附傳在建隆實錄齊武帝使沈約撰宋書疑立袁粲傳審之於帝曰袁粲自是宋室忠臣惜乎歐陽子念不及此見卷十四

石刻獻酬

鍾紹京為宰相而稱義勇於楊思勗之父史不載也而石刻傳於後世人皆見之惡之不可捨如是臧堅以刑人之言為辱此何人哉林甫國忠因力士以相其原見於此李揆當國以子姓事輔國不恥也紹京何責焉

大相

明詩綜大相字用儒高明人萬歷己丑進士改庶吉士授檢討歷贊善中允有海目先生集屈翁山云嶺南自張曲江倡正始之音明三百年詩之美者海目為最在泰山蘭門崙山之上

左傳

錢謙益曰公入而賦姜出而賦句大隧之中凡四言即所賦之詩也鍾伯敬誤以大隧之中為句而以融：洩：兩句為叙事之語

慕容

菰中隨筆曰趙普永興之幕僚陸秀夫淮東之記室

傅山父子

霜紅龕集十二卷內詩九卷文三卷太原陽曲傅山青主撰我詩集一卷山子眉宗撰乾隆十一年陽曲張耀先思孝甫刻於

維揚

蔡忠襄

傅山作巡撫蔡公傳一篇論云今世所行書云公聞賊從保德州過河遂自平陽北還非也賊實無從保德渡河事賊既渡河入蒲晉王恐實以書速公歸公亦以太原藩封會城且縣守之圖後效其情也云：山晉人以得其實然忠襄實死封疆之臣也其指斥今世所行書蓋謂堯峰耳山又嘗序畢解元振始之文云東南之文槩主歐曾西北之文不主歐曾又云與解元論及江東一鉅公之文又大合蓋有意貶東南之文也其言然

而又不盡然

人才命脈係提學官

又論忠襄云公撫晉雖死實無功公有功在為江西提學官首
識揭某萬某曾某皆公得意士；之獻公者節義文章爭光日
月公實先為朝廷物色得之矣本朝人才命脈係提學官之重
如此山謂
此至言也東南之人言人才者
從未及此山意蓋謂提學官賢則人才出提學官不賢則人才
不出此至言也

北宋

唐時所存東漢六朝之書皆亡於北宋北宋人已不好古故使
諸書皆亡所亡經義猶可惜也

崑山無列女

乾隆八年蘇州知府雅公纂脩府志行文崑山縣開報列女入
傳崑山令讀列為烈詳報崑山無列女吳人傳以為笑侍御王
良齋峻為子言

莊敬避諱

老莊漢諱莊稱老嚴吳人莊助稱嚴助夫婦相敬如賓宋避敬
改為莊故後世又有夫婦相莊之語此本晉陽秋

宋青湄

宋揆度字聖一號青湄通政學顯子也有贈友詩序云予漁樵
音流寓居楞伽山麓門通五湖時當秋老有風急天高渚青沙
白之致正翹首獨立忽睹一舟從蒹葭中出徑詣小莊乃吾故
人尋秋見訪者也命童子斫鱸沽濁醪一壺飲之臨別贈以斷
句云流水孤村對碧峰蕭蕭木葉下踈鐘感君獨有伊人思輕
舸秋風一過從詩與序皆清麗而世罕知者

推易始末

蕭山毛甡作推易始末四卷云發明其兄仲氏推移之義有六
子卦綜乾坤主變之說絕不解其義於謙卦下引蔡景君曰剥
上來之三侯果曰此本剥卦乾之上九來居坤三坤之六三上
升乾位荀爽曰乾來之坤虞翻曰乾上九來之坤與履旁通姓
乃自下語曰蔡侯說推易也荀慈明說乾坤主變也虞氏說旁
通也讀之不覺失笑蓋謙卦自剝來剝本乾也坤消成剝故有
爽曰乾來之坤蔡侯所云上來之三也三本坤體故虞云乾上
九來之坤也至與履旁通一語履為反謙即彼所云反泰也蔡
侯荀虞四說皆同而分為推易主變旁通三說則其書之不足
觀可知矣

河圖洛書

毛西河姓謂陳搏河圖見鄭康成大衍注但當名之曰大衍圖非然則名天地生成圖非然則名五行生成圖而斷不得名之為河圖蓋鄭注河出圖並無此說也注書亦然今之洛書則易緯家所謂太乙下九宮法也二說頗得作僞人要領詳西河所撰河圖洛書原舛編西河言易舛訛甚多惟此論可以不擄。

八比取士

元仁宗延祐二年創三場取士法首場經義三道書二經一即今時文也次場古賦詔誥羣表內科一道三場策一道始有鄉試會試舉人進士名色鄉試八月會試二月

王充耘撰書義矜式六卷張雲長曰宋熙寧四年王安石始更科舉法罷詩賦以經義論策試士：各專習一經此經義之始有其格律有破題接題小講謂之冒子冒子後入官題官題下有原題有大講有餘意亦曰從講又有原經亦曰考經有結尾承襲既久冗雜繁複可厭則不盡拘格律然大槩有冒題原題講題結題此經義定式也充耘主張題意率本功令而又自為經義名曰矜式此猶見當時體制耘字與耕登元統甲戌進士是編出而操觚家詎不奉為鴻寶哉

西河經集凡例曰古經儒以經術起家凡設科勸祿每論說至數百萬言大師徵召至千餘人無非以闡明經義為事自元時以八比取士始用一家言始定大中論孟為四書專用朱子所注而結以己意斷之易用程氏朱氏詩用朱氏書用蔡氏春秋用三傳及胡氏禮記用注疏加之以試帖語詞周章襍出而經學晦矣哉

皇上聖明曾於康熙甲辰丁未兩科敕廢八比既而以古學未復姑從舊以俟徐定乃復特開制科進士使古學大顯然後重頒

聖諭博搜天下經解殊異於章句集注者使陸續呈進以充實內府

大舅

張禹傳禹祖父況族姊為皇祖考夫人況謂見光武光武大喜曰乃今得我大舅乎

通關

樂恢傳恢長好經學事博士焦永永為河東太守恢隨之官閉廬精誦不交人物後永以事被考諸弟子皆以通關被繫恢獨皦然不污於法

勞來舉將

胡廣傳太守法雄之子真從家來省其父真頗知人會歲終應舉雄救真助其求才雄因大會諸吏真於牖間密占察之乃指廣以白雄遂舉孝廉既到京師試以奏章安帝以廣為天下第一注續漢書曰故事孝廉高第三公及尚書輒優之特勞來其舉將於是公府下詔書勞來雄焉

三公有父

張黼傳永元五年代尹睦為太尉黼雖在公位而父常居田里黼每有遷職輒一詣京師常來侯黼適會歲節公卿罷朝俱詣黼府舉酒上壽極歡卒日衆人皆慶羨之

蓼莪奪情詩

陳寵傳忠上疏曰夫父母於子同氣異息一體而分三年乃免於懷抱先聖緣人情而著其節制服二十五月即五五是以春秋臣有大喪君三年不呼其門閤子雖要經服事以赴公難退而致位以究私恩故稱君使之非也臣行之禮也周室陵遲禮制不序蓼莪之人作詩自傷曰瓶之罄矣惟罍之恥言已不得終竟子道者亦上之恥也

七尺

徐璆傳璆曰昔蘇武困於匈奴不墜七尺之節半農先生曰使節長七尺或八尺

黃屋

仲長統傳論曰戴黃屋注前書音義曰天子車以黃繒為蓋裏故曰黃屋

悔不小鄢

臨軒神始于晉以臨軒乃蔚字修飾文辭

崔駰傳靈帝時開鴻都門榜賣官爵烈時因傳母入錢五百萬得為司徒及拜日天子臨軒百寮畢會帝顧謂親倖者曰悔不小靳可至千萬程夫人於傍應曰崔公冀州名士豈肯買官賴

我得是反不知妹耶也妹也嘆烈於是聲譽衰減注靳固惜之也或作偽說文曰偽引為價也音一建反

漢經學

漢時通尚書五行者有共禦之道明易卦氣者有消後之術其法皆不傳

避疾

魯魯傳趙王商嘗欲避疾使時移住學宮丕奏曰死生有命未有逃避之典也案疾安可避當是瘧耳

風隅

劉寬傳注謝承書曰寬少通歐陽尚書京氏易尤明韓詩外傳
星官風隅算歷皆究極師法稱為通儒未嘗與人爭勢利之事
也隅角也觀四海之風占之也

司徒母

馮勤傳勤祖父偃長不滿七尺常自出眈短陋恐子孫之似也
乃為子伉娶長妻伉生勤長八尺三寸後遷司徒號稱任職勤
母年八十每會見詔敕勿拜令御者扶上殿謂諸王曰使勤貴
寵者此母也其見親重如此

李膺

晏殊類要李膺墓在涪州西南四十里膺涪城人為益州大中

正撰益州記三卷

本傳云為
蜀郡太守

省寺

漢制總羣臣而聽曰省分務而專治曰寺

互鄉

晏殊類要涇縣合鄉故城素劉芳徐州記云古之互鄉蓋孔子
云難與言者閭百詩辨無互鄉當以此條駁之

張道陵

北平山在頓山縣三十四里張道陵得仙於此二十四化此山

其一也見李膺益州記

帳目

周櫟園書影云北魏書釋老志曰元象元年秋詔曰城中舊寺及宅皆有定帳今人出入之籍曰帳目始此

滕劉通家

三國志吳書滕胤字承嗣北海劇人也伯父眈父胄與劉繇州里通家

服虔左傳注

御覽一百四十六四十七二卷引服子慎注數十條可采

長句兩韻

漢上題襟集

謂七言絕句也

道學傳

梁元帝撰孝德傳道學傳道學者道家之學也宋史以周程張朱入道學傳誤襲其說而濂溪之太極朱子之先天實皆道家之學也

飯鯪

青烏子算書曰初掘冢之日常以飯鯪上土公四旁上土公周禮謂之祭墓鯪藏魚也俗作鮓

重四賜緋

潘遠紀聞談明皇與楊妃彩戰將北惟重四可勝連叱之果重四上說飲令高力士賜緋後因之遂不易

崔林

明皇襟錄崔林羣從皆主大官因宴集組綬相輝設一榻置象笏猶重叠其上三十年無中外總麻之喪

束指

尉繚子曰管人之背灼人之脅束人之指而訊囚之情雖士有不勝其酷而自誣矣

碑

摯虞文章流別論曰古有宗廟之碑後世立碑於墓顯之衢路其所載者銘辭也

巡撫

晉書劉頌傳頌累遷中書侍郎咸寧中詔頌與散騎郎白袞巡撫荆揚以奉使稱旨轉黃門郎遷議郎守廷尉

改姓為婚

劉頌傳初頌嫁女臨淮陳矯：本劉氏子與頌近親出養於姑改姓陳氏中正劉友譏之頌曰舜後姚虞陳田本同根系而世

皆為婚禮律不禁今與此同義為婚可也友方欲列上為陳寯所止故得不劾頌問明法掾陳默蔡畿曰鄉里誰最屈二人俱云劉友屈頌作色呵之畿曰友以私議冒法明府為非然鄉里公論屈友辟公府掾尚書郎 沙御史

爾雅

張揖上廣雅表博士臣揖言臣聞昔在周公續述唐虞宗翼文武勤相成王六年制禮以導天下著爾雅一篇以釋其義傳乎後學歷載五百墳典散零惟爾雅恒存禮三朝記哀公曰寡人欲學小辨以觀於政其可乎孔子曰爾雅以觀於古足以辯言矣春秋元命苞言子夏問夫子作春秋不以初哉首基為始何足以知周公所造也今俗所傳三篇爾雅或言仲尼所增或言子夏所益或言叔孫通所補或言沛郡梁父所著皆解家所說先師口傳既無正驗聖人所言是故疑不能明也

陸氏經典序錄曰釋詁一篇蓋周公所作釋言以下或言仲尼所增子夏所足叔孫通所益梁父所補張揖論之詳矣爾雅疏云爾雅之作經傳莫言其人及時世但相傳云周公作之以教成王

王伯厚藝文志攷證曰漢國威謂爾雅周公所制而有張仲孝

友等語疑之以問楊雄雄曰記有孔子教魯哀學爾雅爾雅之
出遠矣自古學者皆云周公作當有所據其後孔子弟子游夏
之儔又有所記以解釋六藝故有張仲孝友等語劉向謂史秩
教其子以爾雅

是書 松崖先生隨筆所記也塗改模糊字迹頗難辨衡從
雅南師借閱抄成三卷就中尚多遺悞必購所引諸書詳校
勘正庶無遺憾 先生世以經學顯藏書最富故著小說筆
記亦窮經研史異於前人真古學之緒餘也上章攝提格且
月立秋前二日己丑望休寧門人朱邦衡錄畢記

九曜齋筆記卷上

三老

前書高祖記二年舉民間年五十以上有修行能帥眾為善置以為三老鄉一人擇鄉三老一人為縣三老與縣令丞尉以事相教復勿繇戍以十月賜酒肉 後漢百官志曰三老掌教化凡有孝子順孫貞女義婦讓財救患及學士為民法式者皆扁表其門以興善行 續漢書禮儀志注孝經授神契曰尊三老者父象也謁者奉几安車輶輪供綏執事五更寵以度接禮交容謙恭

東吳

惠棟

定字

順親宋均曰三老老人知天地人事者奉几授三老也
 安車坐乘之車輶輪蒲裏輪供綏三老就車天子親執
 綏授之五更老人知五行更代之事者度法也度以寵
 異之也應劭漢官儀曰三老五更三代所尊也安車輶
 輪送迎至家天子獨拜于屏三者道成於天地人老者
 久也舊也五者訓于五品更者五世長子更更相代言
 其能以善道改更已也三老五更皆取有首妻男女完
 具臣昭案桓榮五更後除兄子二人補四百石則榮非
 長子矣蔡邕曰五更長老之稱也 禮儀志曰養三老
 五更之儀先吉日司徒上太傅若講師故三公人名用

其德行年者高者一人為老次一人為更也

盧植禮記注曰選三

老者為三老卿大夫中之皆服都紵大袍單衣阜緣袖
 老為五更亦參五之也 中衣冠進賢扶玉杖五更亦如之不杖皆齊于太學講

堂

月令章句曰三老國

其日乘輿先到辟雍禮殿御坐

東廂遣使者安車迎三老五更天子迎于門屏交禮道
 自阼階三老升自賓階至禋階天子揖如禮三老升東
 面三公設几九卿正履天子親袒割牲執醬而饋執爵
 而酌祝鯁在前祝饁在後五更南面公進供禮亦如之
 明日皆詣闕謝恩以見禮遇大尊顯故也 譙周五經然
 否曰漢初或云三老答天子拜遭王莽之亂法度殘闕

漢中興定禮儀羣臣欲令三老各拜城門校尉董鈞駁曰養三老所以教事父之道也若各拜是使天下各子拜也詔从鈞議譙周論之曰禮尸服上服猶以非親之故各子拜士見異國君亦各拜是皆不得視猶子也虞喜曰且據漢儀于門屏交禮交禮即各拜中興謬從鈞議後革之深得其意

饗禮

說文曰饗鄉人飲酒也家君曰鄉人飲酒謂之饗然則鄉飲酒即古之饗禮先儒謂饗禮已亡非也

頻煩

漢書曰非皇天所以鄭重降符瑞之意師古曰鄭重謂頻煩也杜詩云三顧頻煩天下計亦謂鄭重之意或以頻煩為頻數之頻古無是訓近俗有之

說文

說文所引諸說上自孔子下及兩漢共二十八人孔子說莊王說韓非說左氏說淮南王說司馬相如說董仲舒說衛宏說揚雄說京房說劉歆說杜林說賈侍中說桑欽說傅毅說官溥說譚長說王育說尹彤說張林說黃顥說周盛說遼安說歐陽喬說莊都說賈侍中者賈逵也許慎從逵受古學故舉其官名

借倩之倩

陸放翁言昭德諸晁謂壻為借倩之倩近世方訛為倩
盼之倩予幼小不能扣所出至今悔之案方言云東齊
之間晉謂之倩郭氏注云言可借倩也放翁豈未之見
耶

輦酌宮

姚令威曰宇文脩有一古鼎款識云輦酌宮案輦酌漢
書作蓮勺古音蓮輦注音輦酌同音縣名在櫟陽去長安七十
餘里漢書及黃圖舊事宮閣名諸書皆不云蓮勺有宮
博物如歐劉皆不能詳鍾鼎款識載劉原父所藏蓮勺

鑪銘云蓮勺宣銅一斗鼎下條重四斤十兩五鳳三年
五月己丑工渭成徐安守屬定昌造此又一蓮勺宣鑪
也并載之以俟博雅

大尚書

隋書經籍志正論六卷四人月令一卷漢大尚書崔寔
撰案東漢有尚書令僕丞郎不稱大尚書漢劉寬碑陰
有大尚書河南張祗字子戒又山陽太守祝瞭碑云辟
司空府北軍中候拜大尚書僕射洪适隸續曰以其長
于諸曹故加大以別之

三商

漢冊禮鑑銘曰吾作明鏡。幽鍊三商。周列典祀。配像萬疆。徐獻忠曰古之治鏡取金氣盛而鍊以三歲或三月以周易乾坤五之數故曰三商。余按士昏禮鄭目錄曰必以昏者陽往而陰來日入三商為昏。賈公彥曰商是商量漏刻之名。鑑諸陰類鍊之昏夜故云幽鍊。徐氏之說殊不足據。三商釋文音嫡。鑑銘與疆協則讀為商。量之商先王父有句坐聽三商。玉漏移或據釋文謂不當讀平聲。余據鑑銘以答之。或不能難。夏文莊蓮漏銘五夜村宵三商定夕亦讀平聲。蘇子美云三商而眠高春而起則讀為嫡。

侍中

相書占氣祿要曰氣如連珠入闕門為侍中對番

東宮舊事曰守鑰四人對番上下東宮門鑰在中。庶子坊

蘭相

費鳳別碑云司馬慕蘭相南容復白珪

五業

漢督郵珽碑噴噴意五業。遂悉包之。握樞運棋。要道氏是綜五業。謂五經也。魏略樂詳少好學五業。並授劉表

時有五業博士宋衷

更老取首妻

國三老袁良碑云羣司以君父子俱列三臺老人結髮上為三老案應劭漢官儀三老五更皆取有首妻男女完具則結髮者首妻也 周澤為三老有太常妻華陽國志張霸為五更其妻馬敬司檢前妻子女則知當時有不盡取首妻者矣或疑霸為五更前妻尚在案霸本傳云當為五更會疾卒明其時有後妻矣獨行傳李充為國三老充少出妻所未詳也

中表

十七帖云與足下中表王山史注云舅姑之子 晉書山濤傳濤與宣穆后有中表親是以見景帝 費鳳別碑云中表之恩情兄弟與甥舅搗與女蘿性樂松之茂好北史盧懷仁撰中表實錄二十卷蔡琰詩云既至家人盡又復無中外中外即中表鄭谷雲臺編有訪表兄王藻渭上別墅詩中表人稀離亂後花時莫惜重相攜

內兄弟

白帖舅子為內兄弟晉書阮瞻傳內兄潘岳每令鼓琴傳咸贈何邵王濟序朗陵公何敬祖咸之從內兄國子祭酒王武子咸從姑之外孫也陸厥有答內兄顧希叔

詩少陵寄簡崔評事十六弟詩開襟仰內弟執熱露白頭

姨弟

少陵寄狄明府憐濟詩梁公曾孫我姨弟十年不見官濟

表姪

少陵有戲寄崔評事表姪蘇五表弟韋大少府諸詩姪又有送重表姪王珣評事詩云我之曾祖姑爾之高祖母

表妹

見唐書李密傳

姑夫姨夫姨兄

姑夫二字出國史補姨夫二字出乾饌子俱見廣說二百四十四卷姨兄見唐書崔元暉傳

妹夫婦弟

北史北齊崔昂後妻鄭元禮姊也魏收又昂之妹夫昂嘗持元禮數篇詩示盧思道乃曰看元禮比來詩詠亦當不減魏收思道荅曰未覺元禮賢于魏收且知妹夫踈于婦弟

堂兄

杜牧有為堂兄 求澧州啓

內弟姨弟

晉書劉羣傳温嶠前後表稱姨弟劉羣內弟崔悅盧諶等皆在末波中翹首南望案姨弟當即從母兄弟李嘉集有送內弟閻伯均歸江州詩云莫怪臨歧獨垂淚魏舒偏念 家恩

姊夫姊婿

樊川集有奉送姊夫中丞儔自大理卿出鎮江西叙事書懷十二韻 此是錢 霍光傳光姊婿給事中光祿大夫張朔

外孫

郭解善相人者許負外孫也

婦兄

王莽傳王宇婦兄呂寬

同胞

同胞猶同產也出東方朔傳

再從兄

後漢書楊震傳震上疏曰伏見詔書封故朝陽侯劉護再從兄瓌襲護爵為

三從兄

唐書虛僕吏部尚書從願三從父也

錢少詹云姊夫亦見霍光傳

內報

南史司馬嵩年十二丁內報

婦姪

宋張文潛明道雜錄云經傳中無婦姪二字婦字乃世母字二合呼姪几舅母字二合呼也二合如真言中合兩字音為一

三命

趙岐孟子注云命有三名行善得善曰受命行善得惡曰遭命行惡得惡曰隨命仲秋下旬碑云三命縮羸嚴訢碑云經說三命君獲其失經說者考經說也案孝經

子見於水(水)卷二
命我者

命我者

果壽

緯援神契曰命有三科有受命以保慶有遭命以譴暴有隨命以督行受命謂壽也遭命謂行善而遇凶也隨命謂隨其善惡而報之鄭康成祭法注云司命主督察三命洪氏跋下旬碑云三命當選貢也王懋以為即陰陽家五星三命之說皆誤中央也君獲其扶風

錢少詹云文林閣學士宋時無此官名譜牒所載未可信

予家出自扶風始祖文林閣學士吉甫公諱元祐尹和靖高弟也少有知人鑒識岳武穆于微賤吉甫公當宋徽欽高三朝以直節聞初以劾朱勔花石綱事忤蔡京削籍歸後扈高宗駕如臨安復忤秦檜以病乞身卜居

九曜齋筆記 九
湖州之大全港聞武穆死不食七日而卒蓋悲二聖之不復若將殉焉者也夫惠子為唐之高士吉甫為宋之名臣而史皆不載惜哉

惠氏

廣韻惠姓出琅邪周惠王之後梁有惠施子繁樂史太平寰宇記惠氏有二望一為琅邪一為扶風琅邪者三國志袁術傳所云琅邪惠衢是也扶風者西京雜記所云長安惠莊是也惠施梁相見莊子惠盎見呂氏春秋戰國人高誘曰惠盎宋人惠施族也惠氏不顯於六朝略見于唐著于宋少陵有送惠二東溪詩云空谷滯斯人又云黃綺

未稱臣又幽人詩云往與惠詢輩中年滄洲期注家以為詢即其名乃盛唐高士也舊注惠荀謂惠昭荀珏司空圖一鳴

集有與惠生書當晚唐時洪氏隸續云晉銅漆盆歎識今在宜興惠公襄家孫仲觀大全集有與惠彥和書於數十通彥和亦宜興人余家族譜不載疑琅邪之裔族譜序稱漢有交州刺史惠乘衆漢書所未載未知何據顏氏家訓曰孝元嘗遣典籤惠編送文章示蕭祭酒則六朝惠氏有官典籤者矣

哀江南賦

哀江南賦云畏南山之雨忽踐秦庭近代注此賦者如

吳江葉氏舒崇崑山徐氏炯皆不詳所出子謂此指晉公子重耳也重耳過曹二共公聞其駢脅欲觀句其裸浴句薄而觀之句詩序言共公遠君子而近小人故其時作詩者刺之云彼其之子三百赤芾又云奮兮奮兮南山朝濟婉兮孌兮季女斯飢其後重耳復國伐曹數之以其不用僖負羈遠君而乘軒者三百人近小乘軒三百者即詩之三百赤芾也服虔注左傳亦云重耳出亡自曹而衛而宋而齊而楚成王乃送之秦畏南山之雨詩所云南山朝濟也忽踐秦庭借用申包胥立于秦庭語其寔皆重耳一人之事注賦者泥于包胥一事遂分二

句為兩義矣賦又云讓東海之瀕遂餐周粟南山東海秦庭周粟指南北朝而言乃子山親歷之事也

清慎勤

古夫子亭襟錄云清慎勤三字本呂本中居仁官箴語予案已見晉康季家誠

漢張華博物

古夫子亭襟錄云東漢有議郎張華與蔡邕同以博物著在茂先前今人止知茂先著博物志耳右見從伯父文玉籠鵝館集惜不記出處案漢議郎張華與蔡邕同脩漢記又同對災異見邕傳及本集蔡中郎集荅詔

問災異八事云光和元年七月十日詔書尺一召議郎張華詣金商門

羅紂

香祖筆記羅紂：音敷遍檢字書無以紂為敷者未詳所出案漢書昌邑王傳山陽太守張敞條奏昌邑王賀居處云臣敞故知執金吾嚴延年字長孫女羅紂為故王妻云：師古曰羅紂其名也紂音敷然則紂當作紂故有敷音漁洋偶不照耳

文帝除肉刑

文帝除肉刑而司馬子長下蠶室故孔氏尚書正義賈

氏周禮疏皆云文帝赦肉刑未赦宮刑 案晁錯對策

曰今陛下寬大愛人肉刑不用罪人亡帑又云除去陰

刑注張晏曰宮刑也是文帝曾赦宮刑後又復設此條

猶高后元年除詆言之令文帝二年復除詆言之罪皆

既除而復設之也

屈茨

陸志言後山宮刑之男女淫淫供米也案律紀言云天者律注云文帝元年除宮刑九北

外國樂有屈茨琵琶馬貴與不曉屈茨之義文獻案鄺

元水經注引釋氏西域記曰屈茨北二百里有山夜則

火光晝日但煙人取此山石炭冶此山鐵恒充三十六

國用故郭義恭廣志曰龜茲能鑄冶龜茲者音屈茨也

朱氏箋云漢書有龜茲而西域記有屈茨酈君合而詁之謂龜茲即屈茨也又案贊寧物類相感志亦云屈茨為龜茲龜茲本音邱慈古讀邱為區北音讀屈亦為區故龜茲訛為屈茨皆聲之轉然則屈茨琵琶即龜茲所造樂器也邱讀為區見鄭康成檀弓注

憬彼

魯頌憬彼淮夷來獻其琛阮亭釋奠太學詩云聖朝敷文德憬彼昏獻琛案丹陽太守郭旻碑云獫蠻憬彼用綏海濱乃知句有所本

分減

少陵秋野詩盤飧老夫食分減及溪魚武進梁御史曰緝熙曰分減二字見華嚴經新城王阮亭長洲汪鈍菴兩先生極稱之以為注家所未及余案御覽四百七卷引東觀漢記曰孔奮篤骨肉弟奇在洛陽每有所食甘美輒分減以遺奇此分減二字所本梁云出華嚴經猶為未的東觀漢記與前書唐人稱班東二史乃習見之書今亡矣仇氏詳註杜詩云周靖曰華嚴經十布施內有分減布施此出鈍翁類彙而云周靖非也

咏史小樂府二詩解

阮亭咏史小樂府赦雍齒云太息王髦劔前年殺孔融

曾言赦雍齒地下愧袁公故友徐君龍友嘗疑此詩誤以文帝殺孔文舉子反覆考之而知詩之引王髦劍者蓋揚脩也曹操妬才嫉能孔融揚脩世有大小兒之目而操皆除之詩意謂文帝太息于王髦之劍蓋知脩之過薄也而不知操前已無罪殺孔融矣昔袁紹勸操誅楊彪孔融輩操偽以高祖赦雍齒為辭後融見殺而彪幾濱于死卒不免于刑戮脩死才逾百日而操亦卒使死者有知何以見袁公于地下乎故云曾言赦雍齒地下愧袁公子脩

二喬曲云腹痛思前事分香惑後人二喬得佳婿不是洛川神此詩言操之狡獪惑溺也操于喬玄嘗有知己之感然此特操之狡獪耳分香望墓田乃其本色耳何以知之以洛川神知之世說言曹公屠鄴令疾召甄左右白五官中郎已將去公曰今年破賊正為奴李善文選注又言東阿王求甄逸女既不遂殊不平是一女而父子兄弟爭之惑溺之甚者也幸而策瑜不為袁尚故二喬不作洛川神耳設也赤壁之戰東風未便誠有如昔人所云銅雀春深鎖二喬者斯時操與喬公豈復有知己之感耶此詩之意實足誅心

魯僖與議

文心雕龍議對篇曰春秋釋宋魯桓務議家君曰案文當云魯僖與議公羊經僖公二十一年釋宋公傳云執未有言釋之者此其言釋之何公與為爾也公與為爾奈何公與議爾也今注劉勰書者皆不知引

依托之書

抱朴子論仙篇引董仲舒所撰李少君家錄又至理篇引孔安國秘記皆後人依托而為之者也

萬畢

淮南子含處吐火之術出于萬畢之家案唐志淮南子外篇有萬畢術一卷亦高誘注今不傳

焦山古鼎

蔣虎臣起蔣說曰焦山有文王鼎不知傳自何時今所置云是贗物真鼎為一縣令昇歸新城二王俱賦古鼎詩焦山之鼎子親見之疑非贗者

孫子算術

孫子算術曰六粟為圭十圭為撮十撮為勺十勺為合又曰蠶所吞絲為忽十忽為杪十杪為豪十豪為釐十釐為分

懸牛頭賣馬脯

佛家引別向書
更奇

三輔決錄注世祖詔漢中太守丁邯曰懸牛頭賣馬脯
盜跖行孔子語高誘注呂覽曰里諺所謂牛頭而賣馬
脯說苑晏子謂景公曰猶縣牛首于門而求賣馬肉也
蓋諺有是

果園

御覽十道志曰靈州有赫連勃二所置果園水經云河
水北薄骨律鎮城在渚上舊赫連城也桑果榆林列植
其上故謂之果州又圖經曰周宣政二年破陳將吳明
徹其人于靈州江左之人崇禮好學習俗皆化因謂

塞北江南故韋蟾詩曰賀蘭山下果園成塞北江南舊
有名楊升菴藝林伐山引杜氏通典以為在涼州者非
子公

王褒童約曰雨墜如注瓮板薛戴子公注薛蓑衣也子
公笠也案御覽引今僮約無是語

春秋變周

曾王父曰春秋變周此語出淮南子昭代之禮衰矣下堂而見
諸侯覲禮之衰也喪妻三年喪服之衰也

經術飾吏事

漢儒以經術飾吏事故仲舒以通公羊折獄平當以明
禹貢治河皆可為後世法

魯哀公

魯哀公曰寡人生於深宮之中長于婦寺之手未嘗知
憂未嘗知懼惠子曰此非哀公之言也使哀公而為此
言必無遜越之事

食熊白詩

徐龍友注阮亭精華錄近體六卷事跡頗畧而兼有未
當宋牧仲邀食熊白詩云故人寒置酒熊白亦初膈已

下何公箸寧思漢殿時蟄藏元自密攻穴若相危當食
勞三歎風花滿意吹徐君子漢殿注引長楊賦序上命
右扶風發民入南山捕熊羆豪豬載以檻車輸長楊射
館云：殊與詩無涉余謂漢殿乃用馮德仔故事已下
何公箸寧思漢殿時此昔人所謂惟食忘憂也言當何
公下箸之時寧思漢殿當熊之日乎末云當食勞三歎
蓋言異味食之甘得之難故當食而勞三歎亦詩人忠
厚之遺也徐君注余已為改正二百餘條增注四千餘
條尚欲補注古體四卷以行于世未知何日汗青姑書

姑之有石於川
本多石於川
川石之

之以當息壤

鼎湖原詩

阮亭鼎湖原詩云素女為師態萬方如聞天老教軒皇
馬肝已諱文成死又見神君記柏梁此詩譏漢武也言
求仙不得更習為房中之術仍無益于長生也王充論
衡曰素女為黃帝陳五女之法非徒傷男父母之身乃
又賊男女之性素女為師二句用張平子同聲歌也漢
武故事言上造神君請術行之有効大抵不異容成也
行人衣上雨

古人云百里不共雨余每行役遇雨雨過復取道行里
許天氣晴明畧無雨意顧視衣蓋猶霑濡韋左司詩云
家從東方來衣上灞陵雨阮亭先生使秦蜀詩云行人
衣上雨來自杜陽川未行役不知此詩之工也

寇萊公

釋子文瑩言寇萊公歷富貴四十年無田園邸舍入覲
則寄僧舍或僦居故其時門下士贈公詩有無地起樓
臺之語采詩者咸謂中的後人以萊公晚年竄謫遂有
舉蠟淚成堆諸事為豪侈所致殊不知此是布衣時事

後山叢談嘗言之王尚書阮亭所云萊公英雄本色所以不可及也尚書嘗有謁忠愍公祠詩云柘枝舞罷蠟成堆十束吳綾夜宴開不是魏三詩句好誰知無地起樓臺此詩蓋知萊公之深者也

赤泉

陶潛讀山海經第八篇云赤泉給我飲員邛足我糧姚令威曰今赤泉山海經無之知古文缺佚也余案御覽引外國圖曰員邛有不死樹食之乃壽有赤泉飲之不老又七十卷引括地圖曰昆邛之上有赤泉飲之不老外國圖括地圖與山海經相表裏郭景純注亦引之皆古書也

神人

蕭韶太清記曰劉教姊文彩艷質甚于神人也

折綿

阮籍大人先生歌曰陽和微弱陰氣竭練不流綿絮折呼吸不通寒慄詩用折綿始于北山谷以為始于庾肩吾者非也

四上

大人先生傳一本作陽和微弱陰竭海凍下流綿絮折呼吸不通寒傷哀與此略異

楚詞大招曰四上競氣極聲變只家君曰四上猶今四上尺等為七調猶古之七音也案今民間六孔笛放開四孔低吹為四六孔全開低吹為上

張鎬 趙謙

趙謙新曹紹張鎬殺間工時皆千古快事

紹曹詩
从子

金山寺詩

宋蘇紳趙澗州金山寺詩云僧依玉鑑光中住人踏金鼈背上行樵泮山人登金山寺詩云絕頂高秋並鶴鶴大江白日踏鼈鼈次句意本緣請一經鑪錘分外況雄

閣虛

家君子曰張平子靈憲指閣虛為地影為千古卓識
忠著竹素

顧子曰昔梁丘據之諫景公也于房晏子之諫景公也于朝然晏之忠著于竹素梁丘之佞于合不絕亦惟公平正直者聖之所先矣

古字假借

鄭康成曰其始書之也倉卒無字成以音類比方假借為之趣於近之而矣

此片誤讀志注得
已亂其夫

二尺四寸

五經古文皆二尺四寸策見鄭康成論語注漢律亦二尺四寸見監鐵論

四經

春秋山前止有四經管子曰澤其四經謂詩書禮樂也及孔子贊易作春秋始著六經之目

字有磨滅

周禮注拍稭字磨滅之餘禮記注衣當為齋壞字交于旦明旦當為神篆字之誤古神字作𠄎見鄭子春北岳

神廟碑莊子有旦宅而無情死旦讀為神

禮運

白虎通引禮運云六情所以扶成五性也今禮運無此語

馬一疋

文心雕龍曰周禮并賦舊有疋馬應劭釋疋或量首數蹄斯豈辨物之要哉案藝文類聚九十三卷載應劭風俗通曰馬一疋俗說相馬及君子與人相疋或曰為夜行目相點前四大故曰一疋或曰度馬縱橫適得一疋

或說馬死賣得一疋帛或云春秋左氏說諸侯相贈乘馬束帛，為疋與馬之相疋耳案今風俗通無此語非全書也

頭馬頭錢

茶曰頭綱見北苑茶錄鶯曰頭鵝見草木子馬曰頭馬見唐書四統傳錢曰頭錢見陸放翁筆記

匹製承盤

先王父云匹製即今之套杯也雞彝鳥彝皆有舟今之承盤也

六歲

六歲曰文王祖父壽百二十而沒王季百年而沒文王壽九十七而沒

難經

皇甫謐帝王世紀曰黃帝有熊氏命雷公岐伯論經脉傍通問難八十為難經教制九針著內外術經十八卷玉匱針經序曰呂博少以醫術知名善診脉論疾多所著述吳赤烏二年為大醫令撰玉匱針經及注八十一難經大行於世

玉斗

王逸子曰自幽厲禮壞樂崩天綱弛絕諸侯力政轉相吞德不能懷威不能制至于赧王遂喪玉斗余案玉斗可對金甌

逃瘡

魏文帝列異傳曰大司馬河內陽蕤字聖卿少時病瘡逃神中有人呼社却聖卿應曰諾起至戶中人曰取此書去得素書一卷皆譴劾百鬼所劾輒効逃瘡已見漢魏時或謂始于高力士非也

墓誌之始

馮鑑續事始曰案西京雜記前漢杜子春臨終作文命刻石埋于墓前恐墓誌因此始也事物紀原王阮亭先生云佔筆史繩祖學載漢西京時南宮寢殿內有醇儒王史威長葬銘曰明哲士知存知亡崇隴原野非寧非康不封不樹作靈垂光厥銘何依王史威長云見張茂先博物志此西漢墓銘之最古者

焦京易學

禮記月令正義案易林云震主庚子午巽主辛丑未坎

主戊寅申離主己卯酉艮主丙辰戌兌主丁巳亥易林
焦贛所撰今本無此乃納甲之法京房易傳所本也

卦氣

卦氣之學傳自孟喜蓋周秦以來遺法京房傳全用卦
氣其後谷永劉歆荀爽馬融黃復皆祖其學秦燔詩書
而易以下筮獨存故九宮納甲卦氣爻辰諸學存焉尚
書遭燬故洪範五行之說不傳惟畧見于伏生書劉更
生傳其學其書皆亡惜哉易乾鑿度亦用卦氣

洛陽詩

阮亭先生洛陽詩云國本爭來黨錮連楚歌楚舞亦堪
憐如何鴻鵠高飛去又見蒼鵠出地年或疑是詩所指
予曰此詩首言國本定而漢室安黨錮連而漢室亡舉
東西兩漢而言之也次言高祖不以所愛而易國本故
能建四百之基若晉之惠帝信賈后而廢太子適其後
遂有劉石之禍因舉鴻鵠蒼鵠兩事以驗之也

家君詩

家君送友人南歸詩云秦望草荒樵徑出吳江楓落釣
船涼雲閣學楊玉符先生極愛之常為人書桃符玉符

家君同年生之父也

管子

管子權修篇曰微邪者大邪之所生也立政篇曰寧過于君子而毋失于小人過于君子其為怨淺失于小人其為禍深又曰見賢不能讓不可與尊位

半星

管子宙合篇曰歲有春夏秋冬夏月有上下中旬日有朝莫夜有昏晨半星注星半隱半見也

長度

管子輕重甲篇對桓公曰請使州有一掌里有積五筭民無以與正籍者予之長假死而不葬者予之長度朱長青按長假補助之謂長度漏澤之謂

遠水不救近火

韓非子喻老篇曰失火而取水于海：水雖多火必不滅矣遠水不救近火也

文子語與管子相發明

說林篇云衛將軍文子見曾子曾子不起而延于坐席正身子與文子謂其御曰曾子愚人也哉以我為君子

管子語與管子相發明
管子語與管子相發明
管子語與管子相發明
管子語與管子相發明

夜有昏晨半星
夜有昏晨半星
夜有昏晨半星
夜有昏晨半星

也君子安可毋敬也以我為暴人也暴人安可侮也曾子不僂命也 文子之言是也謂曾子而有是事是証賢也詩小旻之卒章正謂不侮暴人曾子將終而引其語謂而今而後吾知免夫與此相反明非曾子又曾子曾申亦稱曾子

鼠訟 鼠獄

鼠訟見韓非說林鼠獄見漢書張陽傳

賣庸播耕

外儲說曰夫賣庸而播耕者主人費家而美食調布而求易錢者非受庸客也曰如是耕者且深耨者熟耘也庸客致力而疾耘耕者盡巧而正畦陌疇疇者非愛主人也曰如是羹且美錢布且易之也

郢書燕說

外儲說曰郢人有遺燕相國書者夜書火不明因謂持燭者曰舉燭云而過書舉燭舉燭非書意也燕相受書而說之曰舉燭一者尚明也尚明也者舉賢而任之燕相白王大悅國以治 則治矣非書意也今世學者多似此類家君曰宋人不好古而好臆說故其解經皆燕

相之說書也

升概甚平

外儲說曰宋人有酤酒者升概甚平過客甚謹為酒甚美縣幟甚高著然不售

儒墨

顯學篇曰自孔子之死也有子張之儒有子思之儒有顏氏之儒有孟氏之儒有漆雕氏之儒有仲良氏之儒有孫氏之儒有樂正氏之儒自墨子之死也有相里氏之墨有相夫氏之墨有鄧陵氏之墨故孔墨之後儒分為八墨離為三取舍相反不同而皆自謂真孔墨

瀑釀

卞中丞永譽書畫彙攷曰王晉卿八帖皆與親賢定訪王書內有送酒一帖曰瀑釀四器納上以酒稱釀可謂好竒

墨王

汪伯玉墨花閣襟誌曰米南宮稱法書曰墨王可謂極稱非右軍大令東武亭不足當也案此亦見研北襟志

五司禮闈

杜牧贈吏部尚書崔公邠行狀曰公與伯兄季弟五司
禮闈再入吏部自國朝以來未之有也



九曜齋筆記卷中

漆書三減

北堂書鈔九十八卷引孔子世家云孔子晚喜易讀之
韋編三絕鐵鑽三折漆書三減抱朴子曰古書云孔子
常勸我讀易云此良書也一竊好之韋編三絕鐵搥一作
越三折今乃大悟

風教傳

北堂書鈔四十三卷引臧榮緒晉書刑德志謝承後漢
書風教傳御覽六百十六卷王隱晉書處士傳初學記

二卷引魏畧五行志三國志注引魏畧勇狹傳今皆亡而風教刑德處士勇狹之名又十七史所無也劉知幾曰舉歷代之志有威儀懸像之名即禮樂天文之異名也

鮮于伯機

鮮于伯機草書昌黎琴操四章秋興十一首真蹟後題云為國寶先輩書國寶書法 妙家藏秘蹟甚奇惡札何足以汙几案爰忌其醜長者事也

春秋無達例

說苑傳曰詩無通故易無通 春秋無通義○通一作

達義一作例

孝子忠臣

戰國策曰父之孝子君之忠臣也孝經緯曰求忠臣必於孝子之門

帛喜

論衡逢遇篇伍員帛喜俱事夫差帛喜尊重伍員誅死李善曰太宰嚭本或作伯喜或作帛否或作太宰嚭字雖不同其人一也

丈人公姬通稱

氣壽篇曰人形一丈正形也名男子為丈夫尊公姬為

丈人不滿丈者失其正也案丈人公姬道稱見漢書宣
元六王傳古詩曰三日斷五匹匹丈人故嫌遲是也

邵公百八十

傳稱老子二百餘歲邵公百八十高宗享國百年同穆
王享國百年并未享國之時皆出百三十四十歲矣見
文尚書

三命

傳曰說命有三一曰正命二曰隨命三曰遭命正命謂
木之自得吉也性然善故不假操行以不福而喜
自至故曰正命隨命者戮力操行而吉福至縱情施欲
而凶禍至故曰隨命遭命者行善得惡非所冀望逢遭
于外而得凶禍故曰遭命

變復

感虛篇曰凡變復之道所以能相感動者以物類也有
寒則復之以溫溫復翔之寒故以龍致雨以刑逐暑皆
緣互刑之氣用相感勝之

修行

程材篇曰一縣佐史之材任郡掾史一郡修行之能堪
州從事余謂修行即循行也應郡漢官曰維陽令佐史
七十七人循行二百六十人又河南尹亦有循行二百

三十人按北海相景君碑陰有故修行都昌台工進董方等共十九人皆作修行則知漢循官行之說陳陽傳陽父死不奔喪司隸奏陽無循行

重常鳥

別通篇曰董仲舒睹重常之鳥劉子政曉貳負之尸皆見山海經故熊立二事之說使董劉不讀山海經不能定二疑

孔子好學

孔子病商瞿卜期日中孔子曰取書來比至日中何事乎聖人之好學也且^死不休

以豕易羊

杜夷幽求子曰齊宣王見屠宰羊哀其無罪以豕代之

駟僧

晉令曰僧駟者皆當著巾白帖額題所僧駟者及姓名一足著白履一足著黑履

錢使鬼

杜恕體論曰可以使鬼者錢也可以使神者誠也

蔡邕畫

孫暢之迹畫曰漢靈帝詔蔡邕圖赤泉侯揚喜五世將相形像于省中又詔邕為讚仍令自書之邕畫畫于時

獨擅可謂備三美矣

圖二疏

晉王彪之自序曰余日求致任詔累不聽因扇上有二
疏畫作詩一首以述其美

畫扇

沈約俗說曰顧虎頭為人畫扇作阮籍籍康都不點睛
送還扇主曰點眼睛便欲能語

倪寬

春秋舊事倪寬為漢司農卿與太子博爭扇犯罪而還
殘槃冷炙

郭子曰王光祿云正得殘槃冷炙

回槃

沈約俗說曰元寵丁牛期食畢便回槃與之

盞

三禮圖曰盞取四升瓠中破夫婦各一

繩

通俗文曰合繩曰單展曰紉織繩曰辮大繩曰絙

張仲景

何顥別傳曰同郡張仲景總角造顥曰君用思精而韻
不高後將為名醫卒如其言顥先識獨覺言無虛發王

仲宣年十七嘗遇仲景仲景曰君有病宜服五石湯不治且成後三十當眉落仲宣以其賒長也遠不治也後至三十病竟眉落其精如此仲景之方術今傳于世張仲景方序曰衛汎好醫術少師仲景有才識撰四遂三部厥經及婦人胎藏經小兒顛顛方三卷

王叔和

高湛養生論曰王叔和高平人也博學經方洞識攝生之道性沉靜好著述考覆遺文采摭群論撰成脉經十卷編次張仲景方論為三十六卷大行于世

注難經

玉匱針經序曰呂博少以醫術知名善診脉論疾多所著述吳赤烏二年為太醫令撰玉匱針經及注八十一難經大行于世

邵侯臣

邵氏家傳曰邵侯臣為少府南陽遭火燒數萬人侯臣時在丞相匡衡坐心動含酒東向漱之遭火處見雲西北來冥晦大滅火雨中酒香

蓬萊

楊玠談藪曰後魏中書侍郎裴敬憲字伯茂敬憲新構山亭與賓客集謂邢子才曰山池殆就願為一名子才

曰海中曰蓬萊山仙人所居宜名蓬萊蓬萊聲也敬憲
患耳故以戲之憲初不悟於後覺忻然曰長忌及戶高
則無害公但大語聲亦何嫌

啓

服虔通俗文曰官侯曰啓按漢諱啓服氏不應舉漢諱
則通俗文為李虔所撰無疑

城隍

隋大業拾遺曰帝重修區宇圖志成一千二百卷卷頭
有圖別造數樣帙卷長二尺叙山川則卷首有山水圖
叙郡圖則卷首有郭邑叙圖則卷首有城隍公館圖其

圖上山水城邑題畫字及細 並用歐陽肅書改率更
令詢之長子工于草隸為時所重○顧寧人曰古者諸
侯既立社稷又為五祀曰司命中雷國門行五厲是也
鄭氏謂國門為城門今之城隍也然今州縣所祀如吳
之春申及永嘉之周苛天台之屈坦興國之姚婚亦不
一槩焉

汗青

風俗通曰劉向別錄殺青者直治竹作簡書之耳新竹
有汁善 蠹凡作簡皆于火上炙乾之陳楚間謂之汗
汗者去其汁也

硯溪

永嘉郡記曰硯溪以源中多石硯

六經五經九經

白虎通曰五經何謂也易春秋詩書禮樂也以下疑後人說古者以易書詩禮樂春秋為至秦焚書樂經亡今以易書禮詩春秋為五經又禮有周禮儀禮禮記禮春秋有左氏公羊穀梁曰三傳與易詩書通數亦謂之九經

孔文舉論鄭康成

孔融諸卿書曰孔文舉多臆說人見其名學為有所出也證案大較要在五經四部書如非此文近為妄矣若子所執以為郊天鼓必當麒麟之皮也寫孝經本當曾子家策也

先秦論易

春秋說題辭曰易者氣之節含精宣律歷上經象天下經計歷文言立符符信象出期節象兩也出期節者若至日開闕商旅不行后不省方象言變化繫設類跡○象出期節卦氣為象而設象言變化卦變為象而設

虞仲翔易

孔融答虞仲翔書曰示所著易自商瞿以來舛錯多矣

去聖彌遠衆說騁辭曩聞延陵之禮樂今觀君之治易知東南之美者非但會稽之竹箭焉 又觀象雲物應察寒溫原本禍福與神會契可謂探索 通者也

甲乙科

漢書音義曰甲乙科謂作簡策難問列置案上在試者意投射取而答之謂之射策上者爲甲次爲乙若錄政化得失顯而問之謂之對策

道子錄

仙家有道學傳禪家有語錄道學語錄之名皆出自二氏而宋人借以爲講學之名

世親

杜預左傳注朋友世親○班荆之誼道在世親俗有世兄之稱本此

南吳甫

黃恭交廢記曰南吳甫舉茂才四十年不廼甫有老母九十有餘乃上書自乞減品爲四百石庶得其奉以養母詔聽除甫南陽新蔡長隨以甫爲准率減交趾茂才皆爲四品也

周氏論語

何晏論語序解曰包氏周氏章句出焉疏云周氏不詳

何人案魏志王肅傳曰自魏初徵士燉煌周生烈等歷注經傳頗傳于世臣松之案此人姓周生名烈何晏論語集解有烈義例是周氏乃周生烈也蔡邕石經論語後載毛包周有無不同之說蔡在周前不合引其說或石經為魏時所刻耳

雷門鼓

漢書王尊曰毋持布鼓過雷門師古曰雷門會稽城門也有大鼓越擊此鼓聲聞洛陽案臨海記曰郡西北有白鶴山周回六十里高三百丈古老相傳云此山昔有晨飛鶴入會稽雷門鼓中於是雷門鼓鳴洛陽聞之孫思時斫此鼓見白鶴飛出高翔入雲以後鼓無復遠聲

郁太玄

蘇州塚墓記曰宋青州刺史郁太玄字義真好黃老故老相傳太玄仁恕德感禽獸初葬之夕有群燕數千銜土于塚高大與他家異鄉村歲時祭祀

崔

崔豹古今注曰崔一名佳賓言栖宿人家如賓客也劉賓客詩幽禽忽至似佳賓

寒臯

淮南萬畢術曰寒臯斷舌使語高誘注曰寒臯一名雉
鷓也家君曰雉鷓一名寒臯甚新

虞翻注太元

太元經曰孔雁之儀可法則也虞翻注曰雁飛成列亦
成行故可以為法則也

虞注參同契

參同契曰日月為易注云字從日下月

海精

春秋演孔圖曰海精死彗星出則國樞極注海
精鯨魚

易曰日下月者近
俗別字斷難依也
古文又當何如乎

盧橘

吳錄地理志曰朱光祿為建安郡中庖有橘冬月樹上
覆裹至明年暮春初夏色變青黑味尤絕美上林賦曰
盧橘夏熟盧黑蓋近是也

古詩

鄧析書曰古詩云堯舜至聖身如脯腊紮紂無道肌膚
二尺

蕭何

少陵詩功曹無復漢蕭何劉貢父詩話曰按光武紀帝
謂鄧禹曰何以不掾功曹又曹參嘗為功曹云鄧侯非

也張邦基據高紀曰蕭何為主吏注孟康曰主吏功曹也少陵用此誤余按吳書江表傳孫策謂虞翻曰卿復以功曹為吾蕭何守會稽耳杜正用此語

日再中

風俗通曰孝文皇帝立為代王後徵到後期不得立立為代王遂即位為天子案春秋演孔圖曰戴玉英光中再仁雄出日月角注曰玉英文帝之首表象玉英而秀出光日光再再中也漢含尊曰夜景移位復中支起也日再中之說本于緯書

義山詩

周生列子曰夫獵葉之風不應八節義山詩風聲偏獵紫蘭叢獵字本此

土公

袁元新言曰俗間有土公之神云土不可動元有五歲女孫卒病謁市卜之云犯土元即依方治之病卒愈然後知天下有土神矣

春女秋士

淮南子曰春女悲秋士哀知物化矣注周禮仲春之月令媒氏會男女女當外嫁于夫家骨肉相離故女悲秋金角用事戰士執兵勝敗未卜故士哀也

地肥

先王父詩曰草屐有方能犯鶴地肥何物累升天案法苑珠林云傳尊者日衆生薄福肥膩之味皆入于地是故世間福轉衰減

宋子京吳元中

負暄襍錄宋子京晚年知成都帶唐書于本任刊修每宴罷閉寢門垂簾燃二椽燭媵婢夾侍和墨伸命觀者皆知尚書修唐史望之如神仙吳元中居翰苑每草制誥則使婢遠山磨墨運筆措詞宛若圖畫二公俱有標致者也

趙葵

趙葵行營襍錄有士人貧甚夜則露香禱天益久不懈一夕忽聞空中語曰帝閱汝誠問汝所欲士人答曰但願此生衣食粗足逍遙山水間以終其身足矣空中大笑曰此上界神仙之樂何可易得若求富貴則可矣

三傳

元盛庶齋老學叢談曰蕭何傳不言律令李邕傳無一字及筆札劉昫不書修唐史

弟子籍

淮南道應曰公孫龍有客曰臣能呼公孫龍願謂弟子

曰門下有能呼者乎對曰無有公孫龍曰與之弟子之籍

春秋變周

淮南子論曰夫殷變夏周變殷春秋變周三代之禮不同高誘曰變改也

蘇暴

淮南精神曰延陵季子不受吳國而訟間田者慙矣高誘曰訟間田虞芮及暴桓公蘇信公是也

見歷知適

漢書趙王后傳耿育疏曰太伯見歷知適遂循固讓師古注曰歷謂王季即文王之父也知適謂知其當為適嗣也

辟帶

趙皇后傳辟帶往往為黃金缸淮南本經曰屋宮駕縣聯房植高誘曰縣聯聯受雀頭楠者一曰辟帶也

班東二史

班東二史各有年表東謂東觀漢史見史通

志

史通書志篇曰司馬遷曰書班固曰志東觀曰記華嶠曰典張劾曰錄何法盛曰說名目雖異體統不殊

論贊

史通論贊篇曰春秋左氏傳每有發論假君子以稱之二傳云公羊子穀梁子史記云太史公既而班固曰讚荀悅曰論東觀曰序謝承曰詮陳壽曰評王隱曰議何法盛曰述楊雄曰譔劉服曰奏袁宏裴子野自題姓名皇甫謐葛洪列其所號史官所譔通稱史臣其名萬殊其義一殊

論欲事無重出

論贊篇曰史之有論也蓋欲事無重出者省文可知如太史公曰觀張良貌如美婦人耳項羽重瞳豈舜苗裔此則加他語以補書中所謂事無重出者也又如班固贊曰萬石君之為父浣衣君子非之楊王孫葬賢于秦始皇遠矣此則片言如而諸義甚備所謂省可知也

汲冢書

史通外篇曰晉太康年中汲冢獲書全同左氏故東哲曰若使此書出於漢世劉歆不作五原太守矣

期功服去官

後漢書戴封傳舉光祿主事遭伯父喪去官 譙 傳 迺太常丞以弟服去職 楊仁傳仁拜什邡令以兄喪

去官

天有十日人有十等

杜預注左傳曰日中當王食時當公平旦為卿雞鳴為士夜半為卑人定為輿黃昏為隸日入為僚晡時為僕日昃為臺隅中日出闕不在第尊王公曠其位

經學荒于晉

家君子嘗言經學荒于晉何晏注論王弼注易杜預注左而漢儒之說廢矣

許子伯

孔文舉汝穎人士優劣論曰汝南許子伯與其友人共說世俗將壞因夜起舉聲號哭穎川雖頗憂未有能哭世者也許子伯後漢書無傳案御覽四百八十七卷引謝承書曰許慶字子伯家貧為郡督郵乘牛羊鄉里號曰車督郵慶嘗與友人談論漢無統嗣幸臣專勢世俗衰薄賢者放退慨然拮地悲哭時稱許子伯哭臣

陳囂

吳志虞翻對王府君曰山陰陳囂漁則化盜居則讓鄰感侵退藩遂成義里擯養車姬行足厲俗自揚子雲等上書荐之粲然傳世案御覽四百廿四引謝承書曰陳囂與人鄉紀伯為隣伯夜竊囂藩地自益囂見之伺伯

去密移其藩一丈地以益伯伯慚懼還所侵又却一丈二尺相避凡廣三丈太守高其義名其閭為義里又九百三十五卷引謝書曰囂少時于郭外水邊捕魚人有盜者囂見避之於草中追以魚遺之盜慚不受自是後無復盜其魚北堂書鈔五十六卷謝承書曰囂字子公拜大中大夫年七十每朝賀帝待以師傅之禮賜几杖入朝不趨贊事不名囂前漢人與楊子雲同時而班固不載

周長生

王充論衡曰會稽周長生文士之雄也在州為刺史任安舉奏在郡為太守孟觀上書事解 除州郡無事二將以金長生身不尊顯非其才智少功力薄也二將懷俗人之節不能貴也案北堂書鈔七十三卷引謝承書曰周樹達于法善能解煩釋疑為從事刺史孟觀有罪俾樹作章陳事序要得無罪也乃知長生名樹論衡又云長生作洞歷十篇上自黃帝下至漢朝鋒芒毛髮之事莫不紀載與太史公表紀相似類也上通下達故曰洞歷

巴祇

謝承書曰巴祇字敬祖為揚州刺史在官不迎妻子祿

俸不使有餘饋毀壞不復改易水 傳墨用之夜與士對坐處暝暗之中不燃 燭案三國志八卷注引謝承書趙昱傳曰昱舉孝廉除 長宣揚五教政為國表徐州刺史巴祇表功第一是祇乃漢末人

周悉

劉知幾史通曰謝承周悉江左京洛事缺于三吳陳壽編安蜀中巴梁語詳於一國如陳子公周長生之輩班范不列傳記非謝氏周悉江左無以知之也

同歲名

後漢董卓傳注王邑字文都北地泥 人鎮北將軍見

同歲名○同歲名同上計人姓名猶今年年錄也

先賢

皇甫謐選士傳王儻死曹公聞而哀傷表為先賢

光武

光武即位用圖讖其後魏受禪亦然所謂君以此始必以此終也

丈人

以妻父為丈人見先主傳注以妻父為泰山見太平廣記

三國志劉焉傳補注一則

劉焉傳許曰焉聞董扶之辭則心存益土聽相者之言則求婚吳氏董扶事見本傳求婚吳氏傳不載而裴松之亦無注案常璩華陽國志曰焉問相者陳留吳懿妹當大貴為瑁聘之即此事也

厭梁肉

後書袁術傳術淫侈媵御百數無不兼羅紈厭梁肉杜詩甲第紛紛厭梁肉

步叔

韋昭吳書曰晉有大夫楊食采于步後有步叔與七子師事仲尼

張融

毛詩正義引張融說案唐書元行冲傳融乃魏博士非六朝之張思光也

漢史

史通曰漢時之有天下也會稽之吏歲奏于朝廷輶軒之使日馳于郡國作者居于京兆府徵本于四方用使夷夏必遠道無隔故漢氏之史所以倍增于春秋也降及東京作者彌衆至如名邦大都地富才良高門甲族世多髦俊邑老鄉賢競為別錄家牒宗譜各成私傳於是筆削所採聞見益多此中興之史所以又廣于前

漢也

辨月令

蔡邕明堂月令論曰天子發號施令祀神受職每月異禮故謂之月令戴禮夏小正傳曰陰陽生物之後王事之次則夏之小正也殷人無文及周而備文義所說博深遠宜周公之所著也周書七十二篇而月令第五十三古者諸侯朝正于天子受月令以歸而藏諸廟中天子藏之于明堂每月告朔朝廟出而行之周室既衰諸侯怠於禮魯文公廢告朔而朝仲尼譏之自是告朔遂闕而徒用其羊子貢非廢其令而請去之仲尼曰賜也爾愛其羊我愛其禮庶明王復興君人者昭而明之稽而用之秦相呂不韋著書取月令為紀號淮南王安亦取為四篇改名曰時則故偏見之徒或云月令呂不韋作或云淮南皆非也

貞石

蔡邕司徒袁公夫人馬氏靈表云公之門人覩文感義采石于南山之羣儒假貞石以書焉

哀子撰作母氏德履

蔡邕司徒袁公夫人馬氏靈表曰維光和七年司徒袁公夫人馬氏薨其十一月葬哀子懿達仁達銜血哀痛

靡所寫懷乃撰作母氏之德履示公之門人

內教習

後漢張酺傳永平九年顯宗為四姓小侯開學于南宮置五經師酺以尚書教習

陰德慶錫在著作

後漢將作大匠應順子疊江夏太守生柳武陵太守生奉從事中郎生劬車騎將軍掾劬弟珣司空掾子瑒魏丞相掾史稱順以下至瑒七世通顯應身集又言司隸校尉奉至身五世著作不絕又案身集載其先應立豫讚序曰王莽居攝以病告歸後赤眉賊攻其所居城糧盡以私穀千萬斛賑城中于時粟斛錢數萬無不稱其仁云云是應氏之先緣積善餘慶所致非苟然也山谷詩能與貧人共年穀必有明月出蚌胎誠哉是言乎

計借簿

御覽荆南記曰石首縣陽岐山山無所出不足可書本屬南平界范元平記故老相承云胡伯始以本縣境無山此山上計借簿

外家牽連之親

楊子雲荅劉歆書曰臨邛林閭翁與雄外家牽連之親不能作家居

後漢宦者傳靈帝本侯家 貧每歎桓帝不能作家居
故聚為私藏

客

古有客經賈誼述之載于新書漢文時天下郡國有客
史而魯徐生善為客以客為禮官大夫劉昆少習客禮

束指

尉繚子曰束人之指而訊囚之情雖國士有不勝其酷
而自誣矣

偏房 壁隣 中譎

列女傳曰不妬偏房 又曰魯與齊通壁隣之國也

又曰京師節女其夫有 人欲報其夫而無道徑乃劫
其妻之父使要其女為偏房

君臨臣喪

荀子大略篇曰君子大夫三問其疾三臨其喪于士一
問一臨諸侯非問疾弔喪不之臣之家

諸襄七

諸錦字襄七浙江秀水人家君嘗言吾吳士大夫不悅
學及見襄七因嘆曰前輩風流未絕僅見此君襄七嘗
有詩贈家君蓋宗法昌黎者也

五祀

獨斷曰五祀之別名門秋為少陰其氣收成祀之于門
祀門之禮北面設主於門左樞戶春為少陽其氣始出
生養祀之于戶祀戶之禮南面設主于門內之西行冬
為太陰盛寒為水祀之於行在廟門外之西拔壤厚二
尺廣五尺輪四尺北面設主于拔上竈夏為太陽其氣
長養祀之于竈祀竈之禮在廟門外之東先席于門與
西東設主于竈陁也中雷季夏之月土氣始盛其祀中
雷雷神在室祀中雷設主于牖下也

漢書

後漢列女曹昭傳曰時漢書始出多未能通者同郡馬
融伏于閣下從昭受讀○玉堂嘉話曰許魯齋云古人
看漢書皆有傳授不然有難曉者

溫故知新

論語曰溫故而知新可以為師矣溫猶厚也言厚蓄故
事多識于新則可為師○百官表曰通古今備溫故知
新之義

子沈子

公羊傳載子沈子說春秋古今人表沈子師古曰魯人
也善春秋

家君乞食詩

孫郎真乞食韓子漫低頭自愧言詞拙空包面目羞

秦漢風俗

仲舒對策曰自古以來未嘗有以亂濟亂大敗天下之民如秦者也其遺毒餘烈至今未滅使習俗薄惡人民嚚頑抵冒殊扞熟爛如此之甚者也余觀賈誼治安策知漢元之俗未美者由秦之遺毒未滅也文景以後吏安其官民樂其業戶口寢息風流篤厚俗漸美東漢承之故風俗之美亞于三代

真色人難學

張光一斛珠詞生香真色人難學

往體詩

錢考功集有襟言往體詩近體詩往體即古體也

魯不行三年喪

公羊傳曰吉禘于莊公何以書譏何譏爾譏始不三年也孟子曰吾宗國魯先君莫之行當始于閔公

兒寬

御覽七百五十四卷春秋舊事曰兒寬爲漢司農卿與太子博爭局犯罪而免劉向傳曰孝武帝時兒寬有重罪繫道侯韓說諫曰前吾如壽王死陛下至今恨之今殺寬後將復大恨矣上感其言遂貫寬復用之所云

重罪豈即爭局耶而本傳皆不載又論衡載韓太傅與
寬深自附納事傳亦不載

告養親

詩四牡曰王事靡盬不遑將父又曰豈不懷歸是用作
歌將母來諭傳曰將養也箋曰諭告君勞使臣述叙其
情女曰我豈不思歸乎誠思歸也故作此詩之歌以養
父母之志來告于君也

長安鄉

王基曰長安洛陽代為帝都而濟陰有長安鄉漢有洛
陽縣此皆與京師同名者也

室夕

向西屋謂之室夕見晏子春秋



國家圖書館, NATIONAL CENTRAL LIBRARY, TAIWAN, R.O.C.

九曜齋筆記卷下

東吳 惠棟 定宇

公孫尼子

子書儒家有公孫尼子者漢志以為七十子之弟子階志以為孔子弟子史記云樂記公孫尼子次撰李善文選注載沈約云樂記取公孫尼子馬摠意林引劉瓛曰緇衣公孫尼子所作也公孫尼子蓋不帝公穀氏而親受業于孔子之門人其言可補六藝之文非有功于聖哲者耶

外弟

劉璠梁典曰徐摛起家太學博士周捨曰臣外弟徐摛云云

漢法保任所舉

唐書薛登傳登上疏曰漢法所舉之 終身保任楊雄之坐田儀成子之得魏相賞罰之令行則請謁之心絕退諫之義著則貪競之政銷

周書

周書曰太公望忽然曰不癡不狂其名不彰不狂不癡大事不成

艤舟

漢書曰項羽至烏江亭長艤舟待羽應劭曰止也孟康曰艤音蟻舡音岸如淳曰南方謂整舡向岸曰艤

蘇定

東觀漢記曰馬援平交阯上言太守蘇定張眼視錢睜目計賊 於戰功宜加切勅後定下獄

李延年

御覽引漢書曰李延年善歌帝幸之時人語曰一雌復一雄雙飛入紫宮家君曰漢書無此語

李賀

異苑曰南平國兵在姑蘇有鬼附之每占吉凶輒索琵琶

琵琶隨彈而言事事有驗云是老鼠所作名靈侯李賀傳
琵琶道吉凶

辰

帝世譜曰伏羲十月四日人定生 孝經河圖云伏羲
在亥得人定之時

司馬門

丹陽記曰司馬門之名起漢世按列女傳鍾離春詣齊
司馬門史記又云司馬欣請事咸陽留司馬門三日是
名起戰國非獨漢世又今曰公車門而俗稱謝章門也
摩兜韃

盛弘之荊州記曰樊城西北有鄆城即春秋所稱鄭子
之國光武云宛最強鄆為次即此鄆城西北行十餘里
鄆侯離吳國為此楚文王所城今為鄆縣鄆城西北百
餘里有穀城伯綏之國城內有石人焉刊其腹摩兜韃
慎勿言疑此亦周太廟金人緘口銘背之流也

十二辰侯

傳載曰鄭審開元中殿中侍御史充館驛使令每傳舍
立十二辰侯自審始也

通侯 列侯 關內侯

風俗通曰漢武帝諱徹改曰通侯或曰列侯秦時六國

未平將師皆家閔中故稱閔內侯通侯言其功大通于
王室列者言其功德列著乃饗爵也

孝宣重刑名

劉向七畧曰孝宣皇帝重申不害君臣篇使黃門郎張
子喬正其字

孫卿傳五經

風俗通曰孫卿有秀才善為詩禮易春秋之
時而孫卿最老師三為祭酒 齊宣王

太子太傅

魏故事曰太傅子太子不稱臣少傅臣之

商瞿

卜卦占射凶吉皆文武之道昔有商瞿能占爻卦未有
東方朔翼少君能達占射覆道雖小亦聖人之術也

魯論

今所傳論語乃古文論語乃非魯論也王充論衡多引
論語如詠而饋猶我大夫高子也皆論語之文古文饋
作歸高作崔然明人好改字今本論衡饋已作歸惟高
子猶存舊觀蓋不知此語出于論衡故也

歷者適也

謹告篇曰太王亶父以王季之可立故易命為歷歷者

適也太伯覺悟之吳越採藥以避王季

宋翁一

驗符篇曰宣帝時鳳皇下彭城彭城以聞宣詔侍中宋翁一翁一曰鳳皇當下京師集於天子之郊乃遠下彭城不可收與無下等宣帝曰方今天下合為一家下彭城與京師等耳何今可與無下等乎令左右通經者語難翁一翁一免冠叩頭謝宣案宣紀地節二年鳳皇集魯郡元康元年鳳皇集太山

神爵元年集鳳皇集

京師四年十月鳳皇集社陵十一月鳳皇集上林明年改為五鳳元年應劭曰先者鳳皇五至因以改元獨無

集彭城之文豈因翁一之言而不書于策耶或本在五鳳之前宣帝既詘服翁一故其後甘露神爵金芝奇獸神魚諸瑞出焉蓋有由來者也案漢書百官公卿表宋疇字翁一東海人

畫圖漢列士

須頌篇曰宣帝之時畫圖漢列士或不在于畫上者子孫耻之何則父祖不賢故不畫圖也即麒麟閣所圖十人

神雀頌

佚文篇永平中神雀集孝明詔上壽頌百官頌上文皆

比瓦石惟班固賈逵傳毅揚終侯諷五五金玉孝明覽
焉

堪輿歷

堪輿歷歷上諸神非一聖人不言諸子不傳殆無其寔

禮記

案書篇云禮記造于孔子之堂

左氏

劉子政玩弄左氏董僕妻子皆呻吟之

莊老

文心雕龍曰莊老告退山水方滋莊老謂莊子也漢班

嗣報桓生書曰若夫嚴子者漁釣於一壑則萬物不奸
其志栖遲於一丘則天下不易其樂不 聖人之固不

驕君之餌是也

侯芭

揚子雲作太元侯鋪子隨而宣之愚謂鋪子即芭字

商

仲秋紀注市賤鬻貴曰商

六戚四隱

呂覽季春紀六戚父母兄弟妻子四隱交友故舊邑里
門郭高誘曰六戚六親也四隱相隱而揚長蔽短

文王

季夏紀周文王立國八年歲六月文王寢疾五日而地動東西南北不出國郊又曰文王即位八年而地動已動之後四十三年凡文王立國五十一年而終

夕室

正坐于夕室其所謂正乃不正高誘曰夕室以喻悲人也言其室邪夕不正徒正其坐也晏子春秋曰室夕謂向西之室

上舍

季秋紀會之上舍泮上舍甲第也

功效

孟冬紀工有不當必行其罪注不當不功效也

觀世

以此觀世注觀世猶示人也

備說

仲冬紀備說非三五伯案備說當是書名或人名

具染

具染汪染豉醬也。食肉必具染今北食猶然

飽履

季冬紀齊有北郭騷者結果罌捆蒲葦織屨履以養其

母猶不足注屣履一作葩履

壽民

慎大 嚮之壽民今為殤子矣

從母

尔及母黨云母之姊妹為從母。見金日磾傳注

人老多智

人之老也形益衰而智益盛高誘曰老者見事多所聞廣故智益盛

孟侯

齊湣王周室之孟侯也注孟長也

車官

審 覽曰今之為車者數官然後成。數官者謂輪人為輪為蓋與人為輿駟人為駟車人為車之類

柱國

荆柱國莊伯注云柱國官名若秦之有相國

釣浮

離俗 曰善釣者魚有大小餌有宜適羽有動靜注羽釣浮也

惠公

開春論曰請告惠公注惠公惠王相惠施也

此條似不必有

魏闕

中山公子卒謂詹子曰身在江海之上心居魏闕之下
注魏闕心下巨闕也心下巨闕言神內守也。魏闕可
對靈臺

春秋折獄

于定國為廷尉迎師學春秋身執經北面備弟子禮蓋
漢時以春秋折獄定國少為法吏不習經術故迎師學
春秋也

婦死腹悲

風俗通曰俚語婦死腹悲惟身知之

指屬

春秋後語曰昔齊有良鬼曰東郭俊本或作校免以一
日支百里有良狗曰韓子獯黑犬也獯亦一日而支百
里使人遙見而指屬指屬猶指蹤也則雖韓獯不及良
鬼躡跡而蹤之則雖東郭不能離也

鴻都門題

郭義恭廣志曰漢諸郡獻兔毫書鴻都門題惟趙國毫
中用

甘羅秦相

野客叢書杜牧之有詩曰甘羅昔作秦丞相或謂史記

甘羅年十二事秦相父信侯呂不韋後因說趙有功始
皇封為上卿未嘗為秦相也僕攷北史彭城王勰傳曰
昔甘羅為秦相未聞能書儀禮疏曰甘羅十二相秦未
必要至五十則知此繆已久收之蓋循襲用之耳

解菜

今人久茹素而其親若鄰設酒肴之具以相煖熱名曰
開葷於理合曰開素此風已見六朝東昏侯喪潘妃之
女闍豎共營肴羞云為天解菜正其義也

間平

宗室用間平謂河間^東平北史論齊文襄諸子有謝

間平徐陵啓有間平就國之語

封贈外祖

唐制封贈雖宰相正及其父若以恩回贈雖異姓亦及
之如權德輿以檢校尚書恩及其祖贈禮部郎中戶部
尚書楊陵請回贈祖贈吏部郎中是以恩回贈其祖
者也又如劉總外祖故瀛州刺史張懿贈工部尚書制
曰有外孝孫為吾賢帥自義率祖推恩外族外祖母李
氏贈趙國夫人制曰段公威德當流慶于外孫令伯孝
心願推恩于祖母是以恩回贈其外祖者也此例極多

陳驚坐

前漢書陳驚坐王俊度名畫錄說陳驚坐吳是曰陳遵
北陵人善象書每坐一坐皆驚時人謂之陳驚坐

刺史巡察

刺史選第大吏巡察糾察巡撫以小制大以卑臨尊此
漢明二祖馭吏之微權也

嬰兒

論衡本性篇曰一歲嬰兒無推讓之心見食號欲食之
睹美啼欲玩之長大之後禁情割欲勉厲為善矣

周公告

問孔篇周公告小材勅大材略

風動虫生

說文風部曰風動虫生故虫八日而化生从虫凡聲
論衡曰夫虫風氣所生蒼頡知之故凡虫為風之字取
氣於風故八日而化生

帶徒

漢范君甲軹文曰嗟痛明時仲治無
聖門智 賜張明一 隰孔言寬博缺一 約性能淵泉帶
徒干人行無遺愆案帶徒謂弟子也論衡定賢篇曰位
博士文學帶徒百人以上蓋漢時之語

知經誤者在諸子

論衡書解篇曰知屋漏者在宇下知政失者在草野知
經誤者在諸子

長沙顏母

顏氏家訓曰陸札集有與長沙顏母書乃其從叔母也
今所不行

女生外向

白虎通曰女生外向有從夫之義

李懋功選將

唐書李勣傳臨事選將必嘗相其奇厄福艾者選之或
問故答曰薄命之人不足與成功名

任香谷

冢宰毗陵任香谷蘭枝家君同館後輩也香谷初遷冢
宰家君往賀既而熟視任曰公鬚美故至此香谷笑曰
公欲以李緯相我耶聞者皆大笑

郭元振

郭震字元振為太學生家嘗送資錢四十萬會有練服
者叩門自言五世未葬願假以治喪元振舉與之無少
吝

李靖宋璟

靖五代孫彦芳家故藏高祖太宗賜靖詔書數函上之

權德輿嘗讀太宗手詔至流涕曰君臣之際乃爾耶
宋璟傳張嘉貞後為相閱堂按見其危言切議未嘗不
失聲歎息

劉貺

貺嘗以竹書紀年序諸侯列會皆舉謚後人追修非常
時正史如齊人織于遂鄭棄其師皆孔子新意師春一
篇與左氏合知按春秋經傳而為也因著外傳云

借吉

蔣人傳張孝忠子茂宗尚義章公主母亡遺言丐成禮
帝許主下降又上疏以為墨練禮本緣 草未有奪喪
尚主者不可為法帝曰卿所言古禮也今俗借吉而婚
不為少對曰俚室 人子旁無至親乃有借吉以嫁不
問男冒凶而娶

房祠

裡傳裡為荊州荆人生構房祠

豆踏

張孝忠傳孝忠與其下同粗淡日膳裁豆踏而已人賢
其儉推為賢將○踏又白切磨豆也

李絳

歐陽公朋黨論曰君子以同道為朋其說本李絳

嘉應烈婦

羅天一廣東嘉應州生員家君子所取士也羅初貧甚既遊黌序同里謝某以女妻之謝氏女天性淑事姑以孝聞未十年而天一死止有一女既歛謝氏抱女授如自縊於柩旁此烈婦也羅氏無近親以故未邀旌典乾隆五年八月余在粵中曾言之惠潮觀察龐君石洲石洲行文嘉應取結候旌未知入告否

父子宰相

桐城張英子廷玉康熙雍正中父子皆大學士

漢音

家君子曰今人知唐音不知漢音能讀唐詩不能讀漢賦

萬庶常

康熙庚子家君主湖廣省試房考京江張訥夫洪敏夜夢與同事數人衣冠出迎客詢之云主司長君也明日得一佳卷家君激節置第二及發榜乃麻城生員萬純祐也名與先長兄同明年萬成進士官庶常外調雍正三年卒于官先長兄同于是年即世亦異事也

戰國策

甘茂謂秦王曰詩云行百里者半于九十此言末路之

難○百里與九十相較十里耳而半之故言末路之難
注皆誤

鶴坡

平江圖經鶴坡砦巷皆吳王田獵之地

省錄

汪太史士鋐嘗詢家君省錄二字所出予案二字乃漢
時語班超傳曰未蒙省錄說文曰妍技也一曰不省錄
事會稽典錄謝夷吾省錄囚徒史記膠西王傳遂為無
訾省蘇林曰為無訾省無所省錄家語子貢曰省物而
勤王肅曰省錄諸事而能勤也釋名曰讚錄省錄之也

宋書百官志黃閣主簿省錄衆事月令審卦吉凶鄭注
曰審省錄之柳子厚與許孟容書曰往時讀書自以不
至舛滯今皆頑然無復省錄大雅旱麓詩曰干祿愷弟
徐鍇曰祿之言錄也若言省錄之也

府君

章帝紀元和元年詔長沙零陵太守祠長沙定王舂陵
節侯鬱林府君

亥市

出青箱襍記蜀有亥市荆吳俗取寅申巳亥日為市故
謂亥市

謁舍

王莽傳有里區謁舍之語補注謂不宿客之舍為里區宿客之舍為謁舍

北夢

左傳注雲夢跨江南北故有南夢北夢孫光憲號北夢取此

杜治

謝靈運生於杜治養之杜治奉道家淨室也

鼎書

唐詩漢武清齋讀鼎書

疊幅

靈光殿愛知 張濬每教書別為一幅謂之疊幅見名義攷

幘肆

續漢書許子將入幘肆拔樊子昭時號知人

襪衣

古今注襪衣廝役之服也取其便于用耳乘輿進食者服之

俞騎

俞騎引路神管子所謂俞兒是也俞騎駢路指南司方

和欺

五代史青州刺史桓和治東昏出戰降梁武帝先是俗語謂蜜相欺變者為和欺於是梅蟲兒茹法珍等曰今日敗于桓和可謂和欺矣

糠市

從容錄洛陽振德坊皆貧民例享糟糠之薄賀知章目為糠市

訾

唐書音訓訾訾明毀之也奇詁巧毀之也

斲驄

朝野僉載唐陽緇為中書舍人時促帝草制而吏持門鑰他往無舊本檢視乃斲驄取之時號斲驄舍人

年至

漢書詔曰古者有司年至則致仕薛草除左散騎常侍年至而無疾請告角巾東洛時甚高之

遺占

遺占遺命也唐書有更請遺占之語顏延之誄陶靖節云武遵遺占口占曰遺占筆之書曰遺令

劣文

老人于幼小自稱劣文見清波襟志

百篇科

中吳紀聞云云此科不知創自何代宋太平興國五年趙昌國試此科特賜及第

段文昌

段文昌榜中厨曰鍊珍堂在塗曰行珍館老婢掌其法指授女僕四十年凡閱百婢獨九婢可嗣法編食經五十卷時稱鄒平公食憲章

瓊寢

劉聰以婢為后王鑿諫曰不可以污玉簀而糜瓊寢

繼世汗簡

玉海司馬談之子遷劉向之子歆班彪之子固王銓之
隱姚察之子簡太史之子延壽劉知幾之子鍊繼世
汗簡

雄翹

石季倫蒼頭曰雄翹潘岳見而異之曰此好蘆直有士
風

州綱

南史陸徽九絳州綱三端府職皆指幕官也六朝稱府
幕曰府端州幕曰州端節度幕曰節端憲司幕曰憲端
部曹改詞臣

宋牧仲曰本朝由部曹改詞臣自阮亭始

周恒

柳子厚裴瑾崇豐二陵集禮後序云自開元制禮大臣諱避去周恒帝而山陵之禮遂號所執

昔韋孟川詩禮傳楚而郊廟之制卒正于康成鄭玄以箋注師漢而禪代之儀卒集于小 賈誼以經術起而嘉最好學盧植以儒學用而諶為祭酒舊史咸以為榮

魏相

漢書魏相傳曰相明易經有師法好觀漢故事及便宜

章奏以為古今異制方今務在奉行故事而已數條漢興已來國家便宜行事及賢臣賈誼朝錯董仲舒所言奏請施行之

朱子

朱竹垞曰朱子本婺源人而紹興十八年同年小錄注籍建州建陽縣羣玉鄉三桂里

消摩

杜蘭香謂凡藥為消摩

蚰蛙

宋時一武臣申牒論太湖石云此仲石蚰蛙不可用

面縛

漢書項羽傳馬童面之張晏曰背之也師古曰面之謂背之不面向也面縛亦謂反偕而縛之杜元凱以為但見其面非也

從父兄

漢書曰荆王劉賈高帝從父兄也師古曰父之兄弟之子為從父兄弟也言本同祖從父而別

從祖昆弟

燕王劉澤高祖從祖昆弟也師古曰言同曾祖從祖而別也

特王

吳芮傳初文王芮高祖賢之制誥詔御史長沙王忠其定著令鄧展曰漢約非劉氏不王而芮王故著令中使特王也

同父少弟

楚元王交 游高祖同父少弟也師古曰言同父知其異母

太夫人

休侯乃與母太夫人奔京師臣瓚曰侯母號太夫人
賜瑩

太夫人薨賜塋師古曰塋冢地謂為界域

都水

劉向傳使 三輔都水蘇林曰三輔多溉灌渠悉主之故言都水今河督亦都水也而職獨尊

左止明

劉歆以為左止明好惡與聖人同親見夫子蓋據論語孔子之言唐陸淳始以左止明為古之聞人在孔子前程子用其說

封禪

封禪享薦之義不著于經

鄭成成事作去
云考侯步燔是
即封禪禮也

慶吊不行

荀爽傳爽既思經書慶吊不行微命不應○傳曰喪祭之禮闕則人臣之恩薄背死忘生者眾矣

自絕人事

楊倫傳閉門講授自絕人事○魯丕沈深好學杜絕交游不答候問之禮士友常以此短之而不欣然自得

自表師喪

荀淑傳淑卒李膺時為尚書自表師喪

師喪棄官

延篤傳以師喪棄官奔赴 孔昱傳昱補洛陽令以師

國家圖書館 NATIONAL CENTRAL LIBRARY TAIWAN, R.O.C.

喪棄官

洪範說

李桑傳哀帝詔蓋聞尚書五曰考終命言大運壹終更紀天元人元考文正理推歷定紀數如甲子也

微渺

張敞傳敞上封事曰夫心之精微公不能言也言之微渺書不能文也

行風俗

王尊傳博士鄭寬中使行風俗舉奏尊治狀。寬饒傳以寬饒為太中大夫使行風俗多所稱舉貶黜

大司農

毋將隆傳隆奏言武庫具器天下公用國家武備皆度大司農錢蘇林曰用度皆出大司農大司農錢自乘輿不以共養共養勞賜一出少府蓋不以本減給末用不以民力共浮費別公行示正也

一等之罪

鍾延尉免冠為弟請一等之罪注減死罪一等

漁食閭里

何並傳陽翟輕俠趙季季款多畜賓客以氣力漁食閭里至姦人婦女杖吏長短從橫郡中

事下有司

蕭望之傳事下有司○即該部議奏也又云天子于是復下其議兩府丞相御史云云遂不施敝議○猶言無庸議也

皂衣

望之傳注如淳曰雖有五時服至朝昏著皂衣

葬令

柳子厚唐故兵部郎中楊君墓碑云葬令曰凡五品以上為碑龜趺螭首降五品為碣方趺圓者其高四尺方等

梁武帝子名方等禪林鈎元曰四門入清涼地即方也所之理平等大慧即等也乃知方等二字用佛經也

訓格

訓格之言不可暫檢可以鑠于骨書于紳染于神重于識

九列

後漢書陳蕃傳蕃上疏曰臣備位九列蕃時為光祿勳

刊章

朱並上書告張儉與同鄉二十四人昔為部堂靈帝刊章捕儉等刊削不欲宣露並名故削除之而捕儉等

李瓚

識曹孟德者三人李瓚何顯喬元瓚李膺子

竈婢

搜神記曰豫章有一家婢在竈下

看產

蘇易者廬陵婦人善看產即今總婆之類

張汎魏傑

謝承書有桓帝貴人外親張子禁案陳蕃傳乃張汎也
黨錮傳有扶風魏齊卿案劉寬碑陰乃魏傑也獻帝時
有魏傑別是一人當時史官各據一家之說故或書名

或書字范傳如渤海公族進階北海甄子然皆字也其
名無攷

焦文通宋

劉公勇七頌堂集曰宋人北盟會編一百冊內所記多
正史所遺有順昌錄一則蓋楊汝翼作亦記有焦文通
諸將又考得童貫征方臘與宋江張叔夜等軍往則江
因為未將也又李遠董平彭理皆見此書可掀髯一笑
也

徐市

秦方士徐市又作徐福非有兩名市乃古馘字漢時未

有翻切但以聲相近字音注其下後人讀布作市屋字故疑福為別名也北音讀馘為福音是而字非後人讀市為市音與字俱失之矣

周子

餘冬序錄世俗相傳周子太極圖說得之于潤州鶴林寺僧壽涯邵氏先天圖得之廬山老浮屠毛甡云廬山老浮屠即壽涯僧然邵天古與周濂溪同師也

疝

通俗文曰孔病曰疝音丁故反

陰極于八

春秋元命苞曰陰極于八故人八幹長八寸

勢殺

神異經曰男露其勢女彰其殺注云勢殺陰陽

眇刀

頭低而視仰相法名曰眇刀必以死見晉書陳訓傳

賢關

錢考功送李桐道舉擢第還鄉省傳詩云幾年深道一舉過賢關賢關出童子書





梅碑題七月六日甲子送匾後日銀侯侯建亭四年七月己未朔正合若長亦見楊

此卷也惟若年建亭自歸而新建武三三年永和五年己未朔正合若長亦見楊

太山為清壯國在野送清收在平快建武不刻於帝紀永壽二年七月太山賊公孫奉等

寇青衣徐三州道中即將段頴討破斬山於燕三年九月太山賊和賊勞兩等後叛遣御

史中丞趙某持符柑州即兵討之碑云屬旅揚旌珍威厚現即符(印)在刻石者

十年差昔(與)平賊(與)傳(與)道(與)美(與)國(與)在(與)刻(與)石(與)者(與)十(與)年(與)而(與)永(與)和(與)五(與)年(與)以(與)考(與)泉(與)

梅碑題七月六日甲子送匾後日銀侯侯建亭四年七月己未朔正合若長亦見楊

紀不載討平之時... 建亭四年... 永和五年... 己未朔正... 刻石者...

碑也碑載陳留韓公蓋其部民僕親以壽非三上無稱公
者亭林顧氏之詳言之韓稜傳顧以舞陽人孫演桓帝時
為司徒大將軍梁冀被誅生何壹桓帝以威死論述歸
本郡元和姓纂陳留韓本郡以人稜後從陳留此云韓公
書曰為濟又可證非永和刻也若平漢屬東即山漢屬
濟北馬氏以謂在更在平自和帝時漢若三漢並屬大山
即馬田濟北大山置遂以大山之在辛合為一置未也
檢漢志耳